


DS  
735  
A2Y86  
1771.7  
V. 3









御批歷代通鑑輯覽卷之三

周

起武王十三年己卯至赧王五十九年己巳凡三十七王三十三世八百六十七年又東周君七年共八百七十四年

武王

姬姓名發后稷之後

系見前

嗣文王為西伯興師伐紂遂

革殷命

己卯

十有三年春

即商紂三十三祀

王即位國號周

王既克商商之百姓咸待于郊王使告曰上天降休商

人皆拜王亦答拜翼曰命除道修社王入商宮諸侯百

官畢從豐社而告

史記作尹佚策祝今依帝王世紀

曰殷之末孫季紂

殄廢先王明德侮蔑神祇不祀昏暴商邑百姓其章顯



聞于天。肆予小子膺受大命。革殷受天明命。王載拜稽首。乃出。改有天下之號曰周。以木德王。

封紂子祿父

武庚名。

爲殷侯。

封祿父以殷之餘民。因殷初定未集。乃使弟管叔鮮。蔡叔度。相祿父治殷。

復商舊政。

命召公釋箕子之囚。命畢公釋百姓之囚。表商容

商之賢臣。

之間。命南宮括散鹿臺之財。發鉅橋之粟。以振貧弱。命

南宮括。史佚。展九鼎寶玉。命閔天封比干之墓。

比干墓在衛輝。

府汲縣北。

于是萬姓悅服。

夏四月。王歸至豐。諸侯受命于周。



王來自商。至于豐。乃偃武修文。歸馬于華山。注見前。之陽。

放牛于桃林。山海經。夸父山北有林焉。名曰桃林。地在今陝西潼關廳東南。之野。庶邦

冢君。暨百工。受命于周。

大封建諸侯于天下。

封黃帝之後于蓊。今順天府大興縣。周初蓊國。帝堯之後于祝。今山

南府長清縣。有祝阿故城。古祝國。帝舜之後于陳。都宛邱。注見前。是為三恪。復

封夏后氏之後。東樓公。于杞。今河南開封府杞縣。與殷之武庚。是為

二王之後。又封師尚父于齊。都營邱。故城在今山東青州府昌樂縣。弟周

公旦于魯。今曲阜縣。召公奭。周之支族。于燕。史記正義。召公始封在北平無終縣。以燕

山為名。無終。今順天府薊州。庶叔高于畢。今陝西西安府咸陽縣畢原。畢公邑。皆留相

王室。封弟叔鮮于管。今開封府鄭州有管城。鮮所封邑。叔度于蔡。今河南汝



寧府上蔡縣故叔處于霍今山西平陽府霍州有霍城處所封以監殷是

為三監餘各以次受封封兄弟之國康叔封于衛叔振鐸于曹叔武于邾季載于聃庶

弟叔繻于滕叔鄭于毛封同姓之國諸叔于邾于郕于

雍于原于鄆號仲于西號號叔于東號泰伯仲雍之後

周章于吳章之弟于夏墟為虞封異姓之國神農之後

于焦少昊之後于莒祝融之後于邾四岳之後于許仲

虺弟雍滑之後于薛衛今河南衛輝府淇縣有曹故城振

故城康叔封此曹今山東曹州府定陶縣有曹故城振

鐸封此邾史記作成今山東兗州府寧陽縣有成縣故

城叔武封此聘國于那處今湖北安陸府荊門州那口

城是滕今兗州府滕縣西南有滕城叔繻所封毛春秋

會纂注國在河南府宜陽縣邾今曹州府城武縣有邾

城周邾國邾今山西蒲州府猗氏縣有邾城周邾國雍

今河南懷慶府修武縣有雍城周雍國原今懷慶府濟

源縣有原城周原國鄆今西安府鄆縣有鄆城周鄆國

西號今陝西鳳翔府寶雞縣之號城是東號今河南開

封府河陰縣之號亭是吳今江南常州府無錫縣有梅

里鄉泰伯所居是為勾吳虞即西虞本舜後所封周以

封仲雍後西虞注見前焦今河南陝州之焦城是莒今

山東沂州府之莒州是邾今兗州府鄒縣之古邾城是



許。今河南許州是薛。注見前。

祀于祖廟。追王太王。王季。文王。遂定諡法。

始定祀先之禮。諱名立諡。追王古公亶父曰太王。季歷曰王季。文考曰文王。自祖紺以上至后稷。以天子之禮祀焉。

柴于上帝。望于山川。

告武成也。

以建子月爲歲首。改祀曰年。

十一月建子。得天之正。是謂天統。以夜半爲朔。

色尚赤。

牲用騂。赤。戎事乘騂。騂馬。朝燕服冕。而元衣。注見前。



立徹法。

一夫受田百畝。鄉遂

郊門之內。

用貢法。十夫有溝。

田不井授。但爲溝洫。

都鄙

郊外之地。

用助法。八家同井。耕則通力而作。收則計畝

而分。故謂之徹。

建學。

國中並立四代之學。辟雍

王制。天子曰辟雍。注。辟。明。靡。和也。雍。與。靡。同。

居中。

北虞學。東夏學。西殷學。是爲大學。又建虞庠于西郊。夏

序于州。殷校于黨。皆鄉學。是爲小學。俱祀先聖先師。人

生八歲。自王公至庶人之子弟。俱入小學。十五歲。自天

子之元子。衆子。以至公卿大夫元士之適子。及凡民之

俊秀。皆入大學。凡入學以齒。太子亦齒焉。春秋教以禮



樂。冬夏教以詩書。

養老。

養國老于東膠。

大學在王宮之東。膠。糾也。

庶老于虞庠。兼用燕饗。食

禮。

春夏用燕饗禮。秋冬用食禮。

憲。

法也。法其德行。

而乞言。袒而割牲。執醬而

饋。執爵而醕。

以酒漱口曰醕。

受丹書之戒。作銘自警。

王召士大夫而問曰。惡有藏之約。行之博。萬世可以爲

子孫恒者乎。師尚父進丹書于王。道其言曰。敬勝怠者

吉。怠勝敬者滅。義勝欲者從。欲勝義者凶。王聞之。惕若

恐懼。退而爲戒。書于席之四端。及機。鑑。盥盤。楹。杖。帶。履。

觴。豆。戶。牖。劍。弓。矛。各有銘焉。

席前左端之銘曰。安樂必敬。右端之銘曰。無行可悔。



機銘口生咥口戕口說者謂舊本脫字率以口識之類予意不然易傳以言爲君子之樞機樞機之發榮辱之主口生咥者卽所云起羞與戎是也口戕口者卽所云惇出惇入是也他本所傳機有作几作机者不如大戴禮于本義尤爲直揭若盧辯所注出令依儿之說雖不過沿文索解其義亦通

後左端之銘曰一反一側亦不可以忘右端之銘曰所鑑不遠視爾所代機之銘曰皇皇惟敬口生咥口戕口鑑之銘曰見爾前慮爾後盟盤之銘曰與其溺于人也寧溺于淵溺于淵猶可游也溺于人不可救也楹之銘曰母曰胡殘其禍將然母曰胡害其禍將大母曰胡傷其禍將長杖之銘曰惡乎危于忿戇惡乎失道于嗜慾惡乎相忘于富貴帶之銘曰火滅修容慎戒必恭恭則壽履履之銘曰慎之勞勞則富觴豆之銘曰食自杖食自杖戒之儆儆則逃戶之銘曰夫名難得而易失無懃弗志而曰我知之乎無懃弗及而曰我杖之乎擾阻以泥之若風將至必先搖搖雖有聖人不能爲謀也牖之銘曰隨天時地之財敬祀皇天敬以先時劍之銘曰帶之以爲服慶動必行德行德則興背德則崩弓之銘曰屈伸之義廢興之行無忘自過矛之銘曰造矛造矛少間弗忍終身之羞予一人所聞以戒後世之子孫

訪道于箕子

禹治洪水洛出書

注見前

法而陳之爲洪範九疇至是主

訪箕子以天道箕子乃推衍增益以成其篇

初一日五行次二日



敬用五事。次三曰農用八政。次四曰協用五紀。次五曰建用皇極。次六曰乂用三德。次七曰明用稽疑。次八曰驗用庶徵。次九曰嚮用五福。威用六極。  
箕子不欲臣周。亡于朝鮮。今高麗國。王因以封之。

作大武樂。

象武功定天下也。詳見左傳樂記。不具載。

殷伯夷。叔齊。伯夷。姓墨胎。名允。字公信。夷。諡也。叔齊。名智。字公達。齊亦諡也。餓死于首陽

山。注見前。

初。王伐紂。伯夷。叔齊扣馬而諫。左右欲兵之。太公曰。此義人也。扶而去之。及王平殷亂。天下宗周。伯夷。叔齊恥之。隱于首陽。義不食周粟。採薇而食之。卒以餓死。古史考。夷。

齊。採薇。野有婦人曰。子不食周粟。此亦周之草木也。于是餓死。

夷齊不食周粟。特謂義不仕周。受祿餓死者亦云貧。



餓以死云爾古史考舉野婦之語竟似夷齊并不食薇以致餒死不免固哉高叟之譏矣

庚辰十有四年西旅西方之戎有國名旅貢獒犬高四尺曰獒

時九夷八蠻夷蠻四夷之通稱八九言其非一通道來貢西旅底貢厥

獒太保召公奭以獒非常貢明王不貴異物乃作書訓

王名曰旅獒

肅慎氏今寧古塔地貢矢

楛矢石砮楛木之矢以石為鏃長尺有咫王欲昭令德之致遠銘

其括曰肅慎氏之貢矢

遷都于鎬帝王世紀武王遷鎬鎬池即其故都水經注自漢武穿昆明池基溝淪陷無可考

自太王居岐名國為周是為岐周至王自豐宅鎬是為

宗周于是建辟廱興禮樂周道四達無思不服

王不豫周公旦告于祖考翼日瘳



公爲三壇同墀。

築土曰壇。除土曰墀。

爲壇于南方北面。植璧秉圭。

乃告太王。王季。文王。史乃冊祝。請以身代。歸納策于金。

滕匱中。王翼曰。乃瘳。

壬午十有六年。箕子來朝。

箕子過故殷墟。傷故都宮室毀圯。禾黍生焉。欲哭不可。

欲泣則近婦人。故作麥秀之歌曰。麥秀漸漸兮。禾黍油

油兮。彼狡童兮。不與我好兮。殷之遺民聞之。莫不流涕。

乙酉十有九年。冬。十有二月。王崩。子誦立。

是爲成王。

王丕承文王之烈。一戎衣而有天下。建官惟賢。位事惟

能。垂拱而天下治。嗣西伯十有三年。踐天子位七年崩。

禮記。年九十三。竹書紀年。年五十有四。

周公旦奉元子誦立。



金氏履祥斥戴記之訛似已但如履祥所云文王生于祖甲庚寅至帝乙壬辰始生武王則年已六十有三矣殊不思武王為太姒

次子詩稱文王初載天作之合則太姒之年亦可知如謂至是始生武王後復生周公及諸叔凡八子此尤事理所必無者夫率三代以上載籍殘缺儒生各逞臆說遂至支離膠轕若此蓋古史之事在存疑不可深論者多矣

金氏履祥曰戴記文王世子篇文王九十七乃終武王九十三而終若如其言武王八十一而生成王後此又生唐叔虞焉人情事理所必不然也今依竹書紀年之年以正戴記之訛云

成王

武王納太公望之女曰邑姜生王至是武王崩王立年十有三周公旦相王踐阼而治

丙元年王諒闇周公旦為冢宰總百官史記武王崩成王少周公恐諸侯畔

周乃攝行政當國凡七年成王長乃反政考周書蔡仲之命惟周公位冢宰正百工蔡沈書集傳曰此言武王崩時也成王在諒闇周公居冢宰百官總已以聽乃古今之通道非如荀卿所謂攝天子之位也三年之喪二十五月而畢周公固未嘗攝亦非有七年而後還政之事也今依蔡傳不取史記之說

夏葬武王子畢武王陵在西安府咸陽縣文王陵在南武王陵在北

王冠



召公欲去周公作書留之  
本自直截了當至召公為  
保周公為師召公不悅云  
云凡大臣通達國體者即  
不應出此况二公乎且繹  
本篇語惟拳拳以祈天永  
命保泰持盈勸其同心輔  
政而蔡沈本傳亦無一語  
及之何必沿漢儒所托之  
書序以猜疑小兒妄揣古

周公既葬武王。乃冠王。以朝于廟。而見諸侯。使祝雍作  
頌。雍之辭曰。使王近于民。遠于佞。嗇于時。嗇。愛也。不惠  
奪民時也。惠  
于財。親賢而任能。其頌曰。令月吉日。王始加元服。去王  
幼志。服袞職。欽若昊天。六合是式。率爾祖考。永永無疑。  
周公旦誥召公奭。

召公為保。周公為師。相王左右。召公不悅。周公作君奭  
以告之。于是召公乃悅。與周公夾輔王室。自陝。今河南  
陝州。  
以西。召公主之。自陝以東。周公主之。

金氏履祥曰。君奭之書。胡氏謂在成土幼年。今考  
書中言意。率已可見。因從其說。係于元年之下。

封伯禽為魯侯。

周公留相王室。使其子伯禽代就封于魯。周公戒伯禽



人也

曰。我文王之子。武王之弟。今王之叔父。我于天下。亦不賤矣。然一沐三握髮。一飯三吐哺。起以待士。猶恐失天下之賢人。子之魯。慎毋以國驕人。初。太公封于齊。五月而報政。周公曰。何速也。曰。吾簡其君臣。禮從其俗。伯禽至魯。三年而後報政。周公曰。何遲也。曰。變其俗。革其禮。喪三年而後除之。周公曰。後世其北面事齊乎。夫政。不簡不易。民不能近。平易近民。民必歸之。

丁亥 二年。周公居東。

時管叔及羣弟。

蔡叔。霍叔。

流言于國曰。公將不利于孺子。周

公乃告二公。

書傳謂太公。召公。

曰。我之弗辟。

去聲。

我無以告我

先王。遂居東。取易三百八十四爻。各繫以辭。憂武庚必



叛王室必搖乃作鴟鴞之詩以貽王。詩序。幽風。鴟鴞。周公救亂也。成王未

知周公之志。公乃為詩以貽王。

戊子三年秋大雷風迎周公于東。

周公居東二年。王知罪在管蔡。是年秋大熟。未獲。天大雷電以風。禾盡偃。大木斯拔。王與大夫盡弁。以啓金縢之書。見公請代武王之說。王執書以泣。親逆也。公出郊。天乃雨。反風。禾盡起。歲則大熟。

管叔鮮及蔡叔處。以武庚叛。王命周公討平之。

王迎周公歸。三叔懼。挾武庚以叛。奄。地理今釋。兗州府曲阜縣奄里。括地

志云。奄國之地。及淮夷。淮水注見前。淮夷。淮南北近海之夷。徐戎。地理今釋。泗州徐城廢縣。古徐

國皆應之。王乃命周公東征。大誥天下。作大誥。周公殺武



庚誅管叔囚蔡叔于郭鄰。郭逸周書作號。鄰鄉遂之地。降霍叔為庶

人。命伯禽帥師平徐戎定魯。寧淮夷。師還。周公作東山

之詩。以勞士卒。朱子詩傳。東山周公東征既歸。作此以勞歸士。

封微子啓于宋。今歸德府商邱縣。宋地。古閼伯之墟。通志。周封微子于宋。以為商後。故曰商邱。

使紹殷後。修其禮物。作賓王家。作微子之命。

**己丑**四年。王朝于廟。

延訪羣臣。羣臣進戒。詩序。閼子小子。嗣王朝于廟也。訪落。王謀于廟也。敬之。羣臣進戒也。

小毖。嗣王求助也。

周公作立政。

周公戒王以用人之道。作立政。于時淮奄未盡平。公以武不可弛。故于篇終告。

王曰。其克詰爾戎兵。以陟禹之迹。方行天下。至于海表。罔有不服。以觀文王之耿光。以揚武王之大烈。



金氏履祥曰。立政亦成王初年之書。故其官名與周禮未盡合。胡氏大紀係于四年之下。是為得之。

王伐淮夷。踐

也。滅奄。

書序。書傳俱以踐奄在營洛之後。金氏前編以多士篇有朕昔來自奄之文。因

以多方紀多士之前。今從之。

奄及淮夷復叛。王乃東征淮夷。遂滅奄。遷其君于蒲姑。

史記作薄姑。今山東青州府博平縣東北有薄姑城。

庚寅

五年。遷殷民于洛邑。

今河南府洛陽縣東有洛陽故城。周遷殷民于此。

王來自奄。遷殷之餘民于洛邑。歸至宗周。作多方以誥

庶邦。

蒐于岐陽。

岐山。注見前。

因盟諸侯。

辛卯

六年。正百官。

書序。成王滅淮夷。還歸在豐。作周官。



立太師太傅太保曰三公少師少傅少保曰三孤冢宰

掌邦治司徒掌邦教宗伯掌邦禮司馬掌邦政司寇掌邦禁司空掌邦

士為六卿六卿分職各率其屬以倡九牧九州之牧伯阜成

兆民。

### 制禮作樂。

制周禮以經邦國。曲禮以節威儀。禮記疏經禮三百周官是也周官三百六十

十舉其成數故曰三百曲禮三千儀禮是也履行五禮之別委曲繁廣故曰三千總其凡有五。

曰吉凶軍賓嘉舉其大有六曰冠婚喪祭鄉鄉射鄉飲酒相

見作樂曰勺。詩作酌以告成大武。頌武王之功以告成于廟也又分六

樂而序之以祀以祭以享。奏黃鍾歌大呂舞雲門以祀天神奏太簇歌應鍾舞咸池

以祭地祇奏姑洗歌南呂舞大韶以祀四望奏蕤賓歌函鍾舞大夏以祭山川奏夷則歌小呂舞大濩以享先



妣姜嫄。奏無射歌夾鍾舞。大武以享先祖。奏房中之樂。關雎為房中之樂。以歌后妃

之德。

越裳氏注見前來朝。

越裳氏重三譯而來。獻白雉。周公曰。德澤不加。君子不享其贄。政令不施。君子不臣其人。譯曰。吾國之黃耆曰。天無烈風淫雨。海不揚波。三年矣。意中國有聖人乎。于是來朝。周公致薦于宗廟。使者迷其歸路。公錫駢車五乘。皆為指南之制。使者載之。期年而至其國。

王七年營東都。今河南府洛陽縣西。有河南廢縣。即周東都。漢書地理志。河南郡河南。故郟鄏地。周

武王遷九鼎。周公營以為都。

初。武王克商。遷九鼎于洛邑。將營都而未果。考史記。武王謂周公。



曰我南望三塗北望嶽鄙顧詹有河粵詹洛伊毋遠天  
室營周居于洛邑而後去語出逸周書度邑篇三塗

山名在河南府嵩縣西南嶽鄙杜預曰嶽河  
北太行山鄙都鄙近嶽之邑伊水注見前至是王欲

如武王之志命召公先之洛相宅書序成王欲宅洛邑使召公先相宅作召

誥周公復卜澗水東澗水西澗水出河南府澗池縣白石山澗水出洛陽縣穀城山俱入洛

申視卒營築書序周公往營成周使來告卜作洛誥謂之東都曰此四方

入貢道里均也于是王至新邑洛誥戊辰王在新邑朝諸侯祀清

廟詩序清廟祀文王也既成洛邑朝諸侯率以祀文王焉定鼎于郊帝王世紀河南有郊

駢陌其南名定鼎門蓋鼎所從入也卜世三十卜年七百王歸命周公留

後分正東都分別其民正定其居也

設南郊郊之祭兆于南郊就陽位也建明堂在國之南辰巳之地高三丈方三百步上圓下方八

牕四闔其室考工記作五室大戴禮作九室楊復曰五室取五方之義九室則五方之外必備四隅也九室之制視



五室為尤備。

郊祀后稷以配天。

詩序思文后稷配天也。朱子曰為壇而祭故謂之天。宗祀文王于明堂以配上帝。詩序我將祀文王于明堂也。朱子曰祭于屋下而以神祇祭之故謂之帝。

立大社。

東青土。南赤土。西白土。北驪土。

黑土。

中央黃土。

凡建諸侯鑿取其方

一面之土。苞以黃土。苴以白茅。以為土封。故曰受削土于王室。

癸巳八年三月。

金氏前編以為營洛之三月。蔡氏書集傳以為次年之三月。今從書集傳。周公誥

殷士于新邑。

周公既營洛邑。又卜瀍水東為下都。

即今洛陽故城是。

曰成周。

遷殷民處之。

前既遷矣。此復安集之也。

乃以王命告作多士。

集傳曰商民遷

洛者亦有有位之士。故周公以王命告之。

普天之下莫非王土。分土以封之。是削土也。苞黃土。皇之說繫哉。



封蔡叔子胡于蔡。書序。蔡叔既沒。王命蔡仲踐諸侯位。作蔡仲之命。

蔡叔度既沒。其子胡率德改行。周公舉以為卿士。言于

王。復封之蔡。以奉蔡叔之祀。

甲午九年。封弟叔虞為唐侯。今山西平陽府翼城縣西有唐城。叔虞所封。史記。唐在河汾之

東。方百里。即此。

堯之裔封于唐。寰宇記。夏后時。封劉累之孫于此。至是。唐為亂。王滅之。

與弟叔虞戲。削桐葉為珪。曰。以此封若。史佚請擇曰。王

曰。吾與之戲耳。史佚曰。天子無戲言。言則史書之。禮成

之。樂歌之。遂封叔虞為唐侯。

柳氏宗元曰。王者之言。要于其當。設有不當。雖十易之。不為病。若必遂從而成之。不幸而王以桐葉戲。婦寺亦將舉而從之乎。



皇陶於群明良含德故其  
言簡召公于成王老成進  
戒收其言長然忠懇懇款  
後先一揆正不在體製有  
古今時代有久近也

乙未十年王游于卷阿。卷曲也。阿。大陵也。

召公從。因王之歌。作卷阿之詩。以進戒。詩序。卷阿。召康公戒成王也。

丙申十有一年。周公作無逸。

周公欲王知稼穡之艱難。先已備陳七月之詩。朱子詩集傳。周

公以成王未知稼穡之艱難。故陳后稷公劉風化之所出。使瞽矇朝夕諷誦以教之。至是在豐。又

作無逸之書。以訓于王。

周公薨。諡曰文。

公在豐。病將歿。曰。必葬我成周。以明吾不敢離王。既薨。

王葬公于畢。長安志。周公墓。在咸陽縣東北。從文王。以明不敢臣也。復

以公有大勲勞。命魯公世祀。以天子禮樂。

程子曰。周公之功。固大矣。皆臣子分所當為。魯安得獨用天子禮樂哉。成王之賜。伯禽之受。皆非也。



陳作君

天子之國五十里爲  
近郊下都在洛師之

東故曰東郊。

丁酉  
十有二年。巡狩。

諸侯朝于方嶽。因行黜陟之典。

太府玉府內府外府泉  
府天府職內職幣職金  
園法

初虞夏商之世幣金三品。或黃或赤或白。至是太公望立九府

圓法。錢圓函方。輕重以銖布帛。廣二尺二寸爲幅。長四

丈爲正。

二十有五年。大會諸侯于東都。

四夷各以其方物至。史臣爲作王會之篇。



戊王三十有七年。夏四月。王崩。子釗立。是為康王。

四月。王不懌。甲子。召太保及羣臣。受顧命。書序。成王將崩。作顧命。

敬保元子釗。越翼曰。乙丑。王崩。太保命逆元子釗于南

門之外。入翼室。恤宅宗。引入路寢東夾室。為居憂宗主也。癸酉。元子釗。

麻冕黼裳。吉服也。受冊命。卽位。朝見諸侯于應門內。太保率西

方諸侯。人應門左。畢公率東方諸侯。入應門右。諸侯聽命出。書序。康王誥諸侯。作康王之誥。乃

釋冕。反喪服。

葬于畢。成王陵。在文王陵西南。

王在位三十七年。祇勤于德。夙夜不逮。興禮樂。立制度。

民和睦而頌聲作。

康王



御批歷代通鑑輯覽

卷之三

十三

癸亥元年。朝于豐宮。

徧告諸侯。宣示文武之功業。

乙丑三年。吉禘于先王。

遂定樂歌。

甲戌十有二年。夏六月。命畢公保釐東郊。保安釐正也。

王自宗周。至于豐。冊命畢公。分居里成周郊。帝王世紀。分民之居

里于成周之郊。尚書集傳。卽經文表厥宅里。殊厥井疆也。作畢命。

戊子二十有六年。召公薨。諡曰康。

初。公治西方。甚得民和。有司請召民。公曰。不勞一身而勞百姓。非吾先君文王之志也。乃巡行鄉邑。聽斷于棠樹之下。及卒。人思其政。不忍伐棠樹。作甘棠之詩歌詠。



之。詩序。甘棠。美召公也。今河南陝州有甘棠驛。以召公名。

王崩。子瑕立。是為昭王。

王克臻洪業。敬恭神人。四裔賓服。海內晏然。百姓興于禮義。囹圄空虛。刑措不用。四十餘年。有唐虞之風焉。

葬于畢。康王陵在文王陵東南。

昭王

己丑元年。

王之時。王道缺微。周始衰。

寅壬十有四年。魯公子潰。音費。弑其君宰。伯禽之孫。幽公。而自立。是為魏公。

金氏履祥曰。弑君爭國之禍。自是始。而王不能討。失政甚矣。

卯己五十有一年。有光五色。貫紫微。紫宮垣。一曰紫微。井水溢。



王崩于漢子滿立。是為穆王

王南巡狩反濟漢。漢水。注見前。漢濱之人以膠船進王至中

流膠液船解王及祭公周公後伯爵皆溺焉。大紀王隕于漢王右幸餘靡振

王以濟王遂發疾崩。

### 穆王

王生于昭王之二年。國語昭王娶于房曰房后生穆王。至是卽位年已

五十餘。

庚辰元年築祗宮。圻內遊觀之宮。

壬午三年命君牙為大司徒伯冏為太僕正。作君牙及冏命。

丙申十有七年王西巡狩徐戎叛。徐戎。注見前。王歸征克之。

王得八駿馬。一赤驥二盜驪三白義四渠黃五驊騮六騊駼七騄耳八山子。有造父者。



一日千里長驅而歸雖順風揚帆有所不能而謂馬能之乎蓋馬之健者不過能行數百里其能千里而不疲者即良驥也後之務奇者並不識馬安能識良無怪乎其論之失實矣

蜚廉之後以善御幸遂西巡狩樂而忘歸四方諸侯爭訟無

所質正咸歸于徐嬴姓國子爵地方五百里徐子行仁義故諸侯多歸之徐子得

朱弓赤矢以為天瑞自稱偃王朝之者三十六國王聞

徐子僭號恐遂稱受命乃命造父御一日千里長驅而

歸使楚人伐徐徐子不忍鬪其民北走彭城今徐州府銅山縣

百姓從之者以萬數徐子將死曰吾賴于文德而不明

武備故至此

封造父于趙城今平陽府趙城縣有故城在縣西南即造父之邑

以御八駿功故封其後為趙氏至晉趙衰始著

甲寅三十有五年征犬戎西戎名舜竄三苗于三危其後繁熾夏之衰犬戎入居邠岐之間

王將征犬戎祭公謀父諫曰不可先王耀德不觀兵王



不聽。遂征之。得四白狼。四白鹿。以歸。自是荒服者不至。

巳巳

五十年。命呂侯。

呂國名。注見前。

作呂。

亦作刑。

王命呂侯為大司寇。作修刑辟。

周制。五刑凡二千。訓夏

贖刑。

訓。暢夏后時贖刑之法。制為五罰。墨辟疑赦。其罰百鍰。劓辟疑赦。其罰惟倍。剕辟疑赦。其罰倍差。宮

辟疑赦。

其罰六百鍰。

以詰四方。

大辟疑赦。其罰千鍰。

蔡氏沈曰。呂命專訓贖刑。本舜典金作贖刑之語。以行其一切權宜之計。然其哀矜惻怛。猶有三代忠厚之遺意。

甲戌

五十有五年。王崩于祗宮。子繫扈立。

是為共王。

王之初。思保位為難。欲自警寤。作史記。書事之要戒。俾

戎夫。

官名。

言之。朔望以聞。厥後欲肆其心。周行天下。祭

公謀父作祈招之詩。

祈父。周司馬。招。其名也。詩口。祈招之愔愔。式昭德音。思我王度。式如



王。式如金。刑民之。以止王心。是以獲没于祗宮。

共王

乙亥元年。

丁丑三年。滅密。密國。卽密須地。注見前。

王游于涇上。涇水。出甘肅平涼縣筭頭山。至西安府高陵縣入渭。密公從。有三女

奔之。其母曰。必致之王。夫女三爲粲。美物也。而何德以

堪之。密公不獻。一年。王滅密。

丙戌十有二年。王崩。子囂立。是爲懿王。

懿王

丁亥元年。徙都于槐里。漢書地理志。右扶風槐里。周曰犬邱。懿王都之。故城在今西安府興平縣

東南。



辛亥二十有五年王崩共王弟辟方立是為孝王

孝王

壬子元年

甲子十有三年封非子于秦地理今釋今陝西秦州有秦亭非子所封

非子惡來革之後秦世譜惡來女防旁居犬邱好馬善

養息之王使主馬于汧汧水名在鳳翔府汧陽縣入渭渭注見前之間馬

大蕃息乃分土為附庸邑之秦曰昔伯翳為舜主畜多

息故有土錫姓曰嬴今其後亦為朕息馬其使續嬴氏

祀號曰秦嬴

大雨雹江漢冰

胡氏一桂曰嬴秦始封而災異即見履霜之象已兆于此



丙寅十有五年。王崩。懿王子燮立。是為夷王。

夷王

王為懿王太子。孝王崩。諸侯復立為王。

丁卯元年。觀禮廢。

觀禮。天子不下堂而見諸侯。王德諸侯之立已。始下堂而見。降與抗禮。

己巳三年。命虢公號。注見前。杜預曰。二號皆公爵。伐太原之戎。後漢書西羌傳。穆王遷戎

于太原。舊說以為即山西太原。顧炎武曰。在今甘肅平涼府固原州。後魏立原州。以古太原而名。

至于俞泉。地名。獲馬千匹。

甲戌八年。楚子熊渠伐庸。今湖北鄖陽府竹山縣古庸國。揚粵。漢書南粵王傳。略定揚粵

師古曰。本揚州。今湖北武昌府之分。故云揚粵。至于鄂。武昌縣有鄂城。



熊渠之先曰鬻熊。

注見前。

事文王有勤勞。成王時封其後。

曰熊繹。鬻熊曾孫。

于楚。先曰荊。後改曰楚。

錫以子男之田。姓芈。

音弭。氏居

丹陽。

今湖北宜昌府歸州。有古丹陽城。楚始封此。曰西楚。後徙枝江。亦曰丹陽。是為南楚。今荊州府枝江

縣。傳至熊渠。

熊繹五世孫。

王室微。諸侯相伐。熊渠甚得江漢

間民和。乃興兵西伐庸。東侵揚粵。至于鄂。熊渠曰。我蠻

夷也。不與中國之號諡。乃立其諸子為王。

長子康為句亶王。中子紅

為鄂王。少子執疵為越章王。

分處江上。

厲王時。熊渠畏王伐楚。去其王號。

壬午十有六年。王崩。子胡立。

是為厲王。

殺齊侯不辰。

太公元孫哀公。

紀侯。

姜姓。今青州府壽光縣。有紀城。紀侯國。

譖齊侯于王。王烹齊侯而立

其弟靜。

是為胡公。徙治薄姑。



厲王

癸未元年。

王暴虐。詩人作刺。

召穆公作民勞。蕩凡伯作板。芮伯作桑柔。皆以刺王。

辛丑

十有九年。齊公子山弑其君靜而自立。

是為獻公。

哀公之同母少弟山。怨胡公。乃與其黨襲殺胡公而自

立。盡逐胡公子。徙治臨淄。

故城在今臨淄縣北。亦曰齊城。

壬子

三十年。以榮夷公為卿士。

墨子。厲王染于榮夷終。論語疏。榮公。武王時為天子公卿。

夷公蓋其後也。

王好利。說榮夷公。芮良夫

姬姓。伯爵。世為王朝卿士。諫食采于芮。今山西芮城縣。

曰。榮公好專利。而不知大難。夫利。百物之所生也。天地

之所載也。王人者。將導利而布之上下。猶日怵惕。懼怨



之來也。今王專利。其可乎。榮公若用。周必敗。王不聽。卒以爲卿士。諸侯不享。

乙卯

三十有三年。使衛巫衛國之巫監謗。

王無道。國人謗王。召公

召康公之後。穆公虎。世輔王室。食采于召。今鳳翔府岐山縣召

亭諫曰。民不堪命矣。王怒。得衛巫。使監謗者。以告。則殺

之。國人莫敢言。道路以目。王喜。告召公曰。吾能弭謗矣。召公曰。是障之也。防民之口。甚于防川。是故爲川者。決之使導。爲民者。宣之使言。若壅其口。其與能幾何。王不聽。

己未

三十有七年。王出居于彘。

今平陽府霍州有彘城。元和志。卽周厲王所奔之地。

王心戾虐。萬民弗忍。乃相與畔。襲王。王出奔于彘。太子



靖。匿召公家。國人圍之。召公曰。昔吾驟諫王。王不聽。故至此。今殺王太子。王其以我爲讐而懟怒乎。夫事君者。險而不懟。怨而不怒。況事王乎。乃以其子代王太子。太子竟得脫。

庚申三十有八年。王在彘。共和行政。

召公。周公。

周公元子伯禽。就封于魯。次子留相王。二相室。世爲周公。食采于雍。今陝西鳳翔縣。

以太子靖幼。相與協和。共理國事。號曰共和。

癸酉

五十有一年。王崩于彘。周公召公奉太子靖卽位。是爲宣王。

太子長于召公之家。共和十四年。厲王崩。二相乃共立之爲王。輔之修政。諸侯復宗周。

宣王



甲戌元年。命秦仲征西戎。

初厲王之時。西戎反王室。滅犬邱大駱。非子父。之族。王卽

位。命秦仲爲大夫。率其國人征之。

命尹吉甫。路史。少昊子般封尹。在汾州。及周爲尹氏采邑。有吉甫墓。北伐玁狁。北狄。

時玁狁內侵。逼近京邑。詩。玁狁匪茹。整居焦穫。爾雅。十藪方。至于涇陽。焦穫。爾雅。十藪

之一。在今西安府涇陽縣。鎬。劉向以爲千里之鎬。非鎬京也。方。卽朔方。朱子曰。靈夏等州地。涇陽。涇水之北也。

王命吉甫北伐。逐之太原。注見前。而歸。于是有六月之詩。

詩序。六月。宣王北伐也。

乙亥二年。命方叔。詩傳。周卿士。五官之長。故曰元老。南征荆蠻。卽楚。

時荆蠻背叛。方叔嘗預北伐有功。詩。顯允方叔。征伐玁狁。蠻荆來威。王

命率師南征。荆蠻來服。于是有采芑之詩。詩序。采芑。宣王南征也。



命召虎平淮夷。淮南之夷

淮夷不服。王命召虎率師循江漢討平之。詩江漢湯湯武夫洸洸經

營四方告成于王。疆理其地南至于海。詩于疆于理至于南海。師還錫虎

圭瓚秬鬯以嘉其勲。尹吉甫乃賦江漢之詩以美之。詩序

江漢尹吉甫美宣王也能興衰撥亂命召穆公平淮夷。

王親征徐戎。在淮之北

王既命召虎平淮南之夷乃親率六師。太師皇父為帥程伯休父為司

馬。以征淮北。徐方來庭。召虎作常武之詩美王因以為

戒。詩序常武召穆公美宣王也有常德以立武事因以為戒孔疏戒者就常德之中而戒使常行也。

己卯六年大旱。自二年不雨至于二年。

王承厲王之烈。內有撥亂之志。遇裁而懼。側身修行。欲



消去之天下喜于王化復行百姓見憂天下百姓見被矜憂仍叔

仍氏叔字周大夫作雲漢之詩以美之

秦仲死于西戎命其子伐戎破之

西戎殺秦仲仲有子五人長者為莊公王召其昆弟與兵七

千使伐西戎破之于是與其先大駱犬邱之地與莊公為

西垂大夫今甘肅秦州有西縣故城秦莊公所居漢為縣後廢

辛巳八年巡狩東都

王內修政事外復文武之境土乃選車徒備器械會諸

侯于東都因以田獵講武詩人為作車攻詩序車攻宣王日

復古也吉日美宣王田也

乙酉十有二年立魯侯敖魏公之孫武公之少子戲為魯世子



魯侯與長子括。少子戲來朝。王愛戲。欲立為魯世子。樊

仲山甫

人王子虞仲支孫。食采于樊。亦曰陽樊。今河南懷慶府濟源縣皮城是也。

諫曰。不可。

不順必犯。犯王命必誅。故出令不可不順也。若魯從之。

諸侯效之。王命將有所壅。若不從而誅之。是自誅王命

也。王卒立之。

是為懿公。

其後括之子伯御弑戲而自立。

事在二十

年。

不藉千畝。

文獻通考周制。天子孟春之月。擇元辰。帥公卿

秉耒。天子三推。三公五推。卿諸侯九推。庶人終畝。厲王時。藉田禮廢。宣王不復遵古。

王不修藉于千畝。虢公諫曰。民之大事在農。是故稷為

大官。惟農是務。三時務農。而一時講武。故征則有威。守

則有財。若是乃能媚于神而和于民。今天子欲修先王



之緒而棄其大功。匱神乏祀。而困民之財。何以求福用民。王弗聽。

乙未 一十有二年。王后姜氏諫王。

姜后賢而有德。王嘗晏起。后脫簪珥待罪于永巷。使其傅母通言于王曰。妾不才。至使君王失禮而晏朝。敢請罪。王曰。寡人不德。實自生過。非夫人之罪也。遂勤于政。早朝晏退。繼文武之迹。成中興之業。爲周世宗。

封弟友于鄭。

西周畿內邑。今陝西華州鄭縣故城是。後徙號鄆之間。今河南新鄭縣是。其餘民南保漢

中。今漢中府南鄭縣是。

友厲王少子。王封之鄭。并賜之祔田。

今山東沂州府費縣有故祔城。爲

天子巡狩助祭泰山湯沐之邑。

乙三十有二年。伐魯。誅伯御。立魯侯之弟稱。是為孝公。

王既誅伯御。問魯公子能導一作訓順諸侯者。以為魯後。

樊仲山甫曰。懿公之弟稱。肅恭明神。敬事耆老。賦事行

刑。必問于遺訓。咨于故實。王曰。是能訓治其民矣。乃命

魯侯稱于夷宮。祖夷王廟也。

癸丑四十年。料民于太原。注見前。

初。王伐姜戎。四岳之裔。初居瓜州。後徙中土。敗績于千畝。地名。在今山西遼州。乃

料民。簡料其數。于太原。仲山甫諫曰。民不可料也。古者司民

協孤終。協考孤幼。終死也。司商協民姓。別生分類。司徒協旅。師旅。司

寇協禁。罪隸刑死之數。牧協職。物色之數。工協革。牛馬羊之皮。場協入。知粟

數。知用。廩協出。數。而又治農于藉。千畝田也。蒐于農隙。耨穫亦



于耕。王亦至于耕。考課。獮于旣蒸。狩于畢時。是皆習民數者也。

又何料焉。且無故而料民。天所惡也。害于政而妨于後

嗣。王卒料之。

丙辰四十有三年。殺杜伯。西安府長安縣有杜城。水經注。周杜伯國。

王將殺杜伯而非其罪。伯之友左儒爭之。九復之。而王

不許。王曰。汝別君也。猶背也。而異友。儒曰。君道友逆。則順君

以誅友。友道君逆。則順友以違君。王卒殺杜伯。儒死之。

杜伯子叔隰奔晉。爲士氏。

未已四十有六年。王崩。子湍立。史記作宮湍。是爲幽王。

金氏履祥曰。宣王初年。有志撥亂。周道復興。然不克有終。如廢魯適。不藉于畝。料民太原。殺杜伯。大畧可見。其後幽王繼之。卒以東遷。

幽王

庚申元年立姜氏申侯女為王后宜臼申后子為太子

戊午三年納褒姒褒國名今陝西漢中府褒城縣古褒國

初宣王之時童謠曰檠弧箕服山桑為弓箕木為矢戾實亡周國

于是王聞之有夫婦鬻是器者王使執而戮之府之小

妾生女而非王子也懼而棄之國語史伯曰夏之衰褒之國神化為二龍以同于

厲王之末發而觀之孫流于庭不可除王使婦人不憚

而謀之化為元龜以入于王府府之童妾未既

者方逃于道收之以奔于褒後褒姒有獄請入此女子

王以贖其罪是為褒姒至是王入後宮愛而納之生子

伯服



三川震

三川。涇。洛。渭也。地震。故三川亦動。

伯陽父曰

唐固曰。伯陽父。周柱下史老子也。

周將亡矣。天地之氣。陰伏

而不能出。陽迫而不能蒸。于是有地震。今三川實震。是

陽失其所而填陰也。

韋昭曰。爲陰所鎮。

陽失而在陰。

韋昭曰。在陰下也。

源必塞。源塞。國必亡。昔伊洛竭而夏亡。河竭而商亡。今

周德若二代之季矣。其川源又塞。塞必竭。川竭。山必崩。

山崩。川竭。亡之徵也。若國亡。不過十年。數之紀也。是歲

三川竭。岐山崩。

甲子五年。廢申后。及太子宜臼。以褒姒爲后。伯服爲太子。

褒姒與虢石父比。譖廢申后。太子。褒姒立爲后。伯服爲

太子。宜臼出奔申。

國名。姜姓。四岳之裔。今河南南陽府南陽縣有申城。申侯國。

太史

伯陽曰。禍成矣。無可奈何。褒姒不好笑。王悅之萬方。故  
不笑。乃無故舉烽火。諸侯悉至。至而無寇。褒姒乃大笑。

乙丑

六年冬十月辛卯朔日有食之。

于是有十月之交詩。

詩序十月之交大夫刺幽王也。

丁卯

八年以鄭伯友爲司徒。

友爲司徒。甚得周衆。問于史伯曰。王室多故。予安逃死

乎。史伯曰。獨雒之東土河濟之南可居。公曰。何以對曰。

地近虢。

東虢注見前。

檜。

姁姓國居溱洧之間。今開封府密縣有檜城。

虢檜之君貪

而好利。百姓不附。今公爲司徒。民皆愛公。公誠請居之。

虢檜之君見公方用事。輕分公地。虢檜之民皆公之民

也。友曰善。于是言于王。徙其民雒東。虢檜果獻十邑。

後武



公竟取十邑。  
而滅虢。檜。

庚午十有一年。申侯以犬戎入寇。弑王。鄭伯友死之。晉。衛。秦。

皆以兵來救。立故太子宜臼。是為平王。

王欲殺故太子宜臼。求之于申。申侯弗與。召西夷犬戎。

攻王。王舉烽火徵兵。兵莫至。犬戎遂弑王于驪山下。在山

西安府臨潼縣東南。虜褒姒。鄭伯友死于戰。秦襄公力戰破戎。衛。

侯和。即武公。康叔九世孫。從晉侯仇。叔虞封唐。傳子燮。改國為晉。燮八傳為文侯仇。合諸

侯兵逐戎。黜伯服。鄭世子掘突。武公。收父散兵。從諸侯

東迎太子宜臼。立之。

御批歷代通鑑輯覽卷之四

周

平王

辛未元年東遷。成王營洛邑。平王徙都。始命秦為諸侯。錫晉侯仇命。

王避犬戎難。東徙洛邑。秦襄公。以兵送王。王封襄公。為

諸侯。爵為伯。賜之岐以西之地。秦于是始國。與諸侯通使

聘享之禮。又策命晉侯。書序。平王錫晉侯。拒。主贊。作文侯之命。賜以河內

今河南。懷慶府。附庸。晉于是始大。

呂氏祖謙曰。由此而上。則為成康。為文武。由此而下。則為春秋。為戰國。乃消長升降之交會。

秦祠上帝于西時。時音市。封土而祀也。

蘇軾謂周之失計未有如東遷之繆。此言誠然。但謂平王若不遷以形勢東臨諸侯。諸侯尚未敢貳此則不然。平王本非撥亂反正之才。并無奮發有為之志。縱使仍都豐鎬。亦唯苟安且夕。終於不振而已。其能西却犬戎。東撫諸夏乎。且當時亦必有不得不遷之勢矣。



在打石石之銀車覽 卷之四

秦伯既封。居西垂。自以為主少昊之神。乃作西時祠。白

帝。其牲用駟赤馬。駒黃牛。羝羊詩傳。各一。司馬遷曰。秦

諸侯。遂作西時。用祀上帝。僭端見矣。君子懼焉。

癸酉三年。以鄭伯掘突為司徒。

鄭桓公為司徒。死。犬戎之難。王于是復命其子掘突。續

乃父之職。國人愛之。為作緇衣之詩。詩序。鄭風。緇衣。美武公也。

已卯九年。秦東徙汧渭。注俱見前。之會。今陝西鳳翔府隴州有秦

秦襄公卒。子文公嗣。文公東獵。至汧渭之會。曰。昔周邑

我先秦嬴于此。考非子封秦。地在今秦州。此云邑。後卒

獲為諸侯。乃卜居之。于是秦初有已而作鄜音時。用三

牢祠白帝。史記封禪書。秦文公夢黃蛇。自天下屬地。其

其祠之于是作鄭時。索隱曰。鄭地名。後為縣。屬馮翊。衍。山陵間也。

癸未十有三年。衛公和卒。諡曰武公。史記。衛武公平戎有功。王命為公。卒于莊公揚立。

衛公年九十五。猶箴儆于國。曰。自卿以下。至于師長士。

苟在朝者。無謂我耄而舍我。必恪恭于朝夕。以交戒我。

于是作懿戒以自儆。懿。讀作抑。即大雅抑之詩。及其歿也。謂之睿聖。

武公。

巳丑十有九年。戍申。申國。注見前。

王以母家申國。迫近彊楚。數被侵伐。遣兵遠戍。戍者怨。

思。作揚之水詩以刺。詩序。王風揚之水。刺平王也。不撫其民。而遠屯戍于母家。周人怨思焉。

朱子曰。申侯與犬戎攻宗周。弑幽王。則申侯者。平王不共戴天之讎也。今平王知有母而不知有父。知其立已。



補注卷之四

為有德而不知其弑父為可怨至使復讎討賊之師反  
為報施酬恩之舉其忘親逆理已甚矣且不能行威令  
于天下無以保其母家乃勞民遠戍其衰懦微  
弱又可見矣詩亡而後春秋作其不以此也哉

辛卯二十有一年秦伯獻戎捷

秦伯以兵伐戎戎敗走于是秦伯收周餘民有之地至

岐岐以東獻之王時宗周宗廟宮室盡為禾黍大夫行

役過之閔周室之顛覆傍徨不忍去作黍離之詩詩序王風

黍離閔宗周也

丙申二十有六年晉侯文侯子昭封其叔父成師穆侯子文侯弟是為

叔于曲沃漢書地理志河東郡聞喜故曲沃今聞喜縣屬山西絳州

晉大夫師服曰國家之立也本大而末小是以能固故

天子建國諸侯立家卿置側室衆子也得立此一官大夫有貳宗

程子謂成王之賜伯禽之  
受皆為非禮其言蓋引而  
宋發東遷以後諸侯放恣  
因禮樂之賜而并及郊廟  
王室不綱從而許之則泛  
觴之失非自成王伯禽乎

次子為貳宗。士有隸子弟。自以其子弟為僕隸。今晉甸侯也。而建

國本既弱矣。其能久乎。後曲沃盛彊。晉室微弱。國內大

亂。昭侯七年。晉潘父弑昭侯而納桓叔。不克。晉人立昭

沃莊伯。莊伯弑孝侯于翼。國人攻之。立孝侯子郕。是為

鄂侯。鄂侯卒。莊伯復伐晉。王使虢公伐曲沃。立鄂侯子

哀侯。  
戊午 四十有八年。魯侯惠公弗湏。孝公之子。請郊廟之禮。

魯侯使宰讓請郊廟之禮于王。王使史角往。魯侯止也。留

之。路史。角後在魯。于是有墨翟之學。

羅氏泌曰。劉原父謂使魯郊者必周。而非成王。蓋平王

之世也。使成王已與魯。則惠公不請矣。孔子曰。魯之郊

禘。非禮也。周公其衰矣。  
魯之郊。豈所以尊公哉。  
魯侯弗湏卒。諡惠公。



適子軌少。庶長子息姑攝國。行君事。

是為隱公。左傳惠公。元妃孟子卒。繼

室以聲子。生隱公。宋武公生仲子。有文在其手曰。為魯

夫人。故仲子歸于魯。生桓公。而惠公薨。是以隱公立。而

奉之。宋武公。各司空。

微子弟。微仲八世孫。

未已。四十有九年。

時天子微弱。諸侯放恣。賞罰不行。後孔子修魯史。作春

秋。立百王之大法。托始于是年。

是年為魯隱公元年。

金氏履祥曰。此年以後。編年紀事。自有春秋左氏經傳。今特舉其事。係王室。與關於天下之故者。而後書。

鄭伯克段于鄆。

今河南開封府鄆陵縣。春秋鄭鄆邑。縣西北有古鄆城。

初。鄭武公娶申侯女姜氏。

是為武姜。

生太子寤生。及叔段。姜

氏惡寤生。愛段。欲立之。亟請于武公。弗許。武公卒。寤生

立。

是為莊公。

姜氏為段請居京。

京邑故城。在今河南開封府滎陽縣東南。

謂之京。

城大叔祭仲

鄭大夫與周祭伯別為一祭。今河曰都城。南開封府鄭州有祭城。仲食邑也。

過百雉國之害也。公曰姜氏欲之焉辟害。

詩序鄭風將仲子刺莊公。

也。不勝其母以害其弟。小不忍以致大亂焉。

大叔完聚繕甲兵具卒乘。

詩序叔于

田叔處于京繕甲治兵多才而好勇不義而得衆。

將襲鄭夫人

姜氏

將啓之公

聞其期以車二百乘伐京京叛大叔段段入于鄆公伐

諸鄆大叔出奔共

古共國今河南衛輝府輝縣治。

遂寘姜氏于城潁

卽臨

潁故城在今河南許州臨潁縣西北。

而誓之曰不及黃泉無相見也。既而

悔之潁考叔為潁谷

在今河南河南府登封縣潁水所出。

封人聞之有獻

于公公賜之食食舍肉公問之對曰小人有母請以遺

之公曰爾有母遺繫我獨無語之故且告之悔對曰闕

同掘

地及泉隧而相見其誰曰不然公從之遂為母子

既知誓母之非乃隧而相見是遂過也特考叔用此



以曲悟莊公不可謂非錫  
類之一端耳

御批歷代通鑑輯覽

卷之四

如初。今許州襄城縣有鄭莊公城。相傳為莊公見母處。

使宰咺歸魯侯仲子之賵。

撫鳳反。公羊傳。宰者何。官也。咺者何。名也。仲子者何。桓之母也。

何以不稱夫人。桓未君也。賵者何。喪事有賵。車馬曰賵。貨財曰賵。衣被曰襚。

此王室下交諸侯之始。

金氏履祥曰。左氏傳于隱公之篇多誤。如仲子之賵。誤以隱妻子氏之薨為仲子。故此以仲子為未薨。而王賵之為豫凶事也。考文之四年。成風薨。五年。王使榮叔歸含且賵。以此例之。歸賵當是惠公仲子俱歿之後。其歿在春秋之前。左氏蓋誤解矣。

祭伯

鄭樵氏族畧。周公第七子封祭。杜預左傳注。陳留長垣縣有祭城。今直隸大名府長垣縣有祭城村。

如魯。

非王命也。此王臣私交之始。

辛酉 五十有一年春二月己巳日有食之。

三月王崩孫林立。是為桓王。

鄭祭足帥師入寇。

鄭伯為平王卿士。

武公莊公世為王室卿士。

平王貳于虢。

此南虢也。平王東遷。

虢仲之後徙于上陽是為南虢。上陽城在今河南陝州。考路史虢有四。一曰西虢。仲所封。一曰東虢。叔所封。後

為鄭滅。一曰南虢。仲之後所徙。其留岐者為小虢。後為秦滅。不在四虢之數。一曰北虢。亦仲之後別為男爵。班

固曰。北虢在大陽是也。大陽。漢縣。故城在今解州平陸縣。鄭伯怨平王。于是周鄭交

質。及是平王崩。王即位。將畀虢公政。四月鄭祭足帥師

取溫。

今河南懷慶府溫縣有古溫城。周畿內溫邑。

之麥。秋又取成周。

注見之前。

禾。

武氏子求賻于魯。

武氏。周世卿。吳氏澂曰。子者父老而以子攝行卿之事。

齊侯。

僖公祿父。獻公五世孫。

鄭伯盟于石門。

在今山東濟南府長清縣西南。水經注。水濱流。



移久已  
淪圯

此諸侯特相盟之始。

桓王

壬戌元年。衛州吁弑其君完。莊公子桓公。衛人殺州吁。立晉。是為宣公。

初。衛莊公娶齊女為夫人。是為莊姜。無子。左傳。莊姜美而無子。衛人為之賦碩

人。又娶陳女。是為厲嬀。生子蚤死。陳女之娣。是為戴嬀。生子完。莊

公立為世子。公有嬖人。生子曰州吁。有寵而好兵。公弗

禁。石碕。衛大夫姬姓。衛靖伯之後。諫。公又弗聽。碕子厚。與州吁游。碕

禁之不可。莊公薨。世子完立。是為桓公。石碕乃請老。至是州

吁弑桓公而自立。未能和其民。史記。州吁新立。好兵。衛人皆不愛。厚問

于石碕。碕曰。王觀為可。陳侯。桓公鮑胡公滿十世孫。方有寵于王。

若朝陳使請。必可得也。厚從州吁如陳。石碏使告于陳。

曰。此二人者。實弑寡君。敢即圖之。陳人執之。而請蒞于

衛。請衛人自臨討之。衛人使右宰醜蒞殺州吁于濮。史記索隱。濮在曹衛

之閒。賈逵言陳地非也。石碏使其宰孺羊肩蒞殺石厚于陳。迎桓

公弟晉于邢。周公之後。今直隸順德府邢臺縣是。而立之。

甲子三年。京師飢。

告飢于魯。魯為請糴于宋。衛齊鄭。

鄭伯入朝。

鄭伯朝王。王不禮焉。怒其取麥禾。故弗禮。周公桓公言于王曰。我

周之東遷。晉鄭焉依。善鄭以勸來者。猶懼不其器反至也。醜。

况不禮焉。鄭不來矣。



丑四年使凡伯

周公後為周卿士。封凡。故城在今衛輝府輝縣。

聘于魯。戎

氏羗別種。居中

國者。杜預左傳註陳留濟陽縣有戎城。今山東曹州府荷澤縣故戎城是。

伐之楚邱

衛地。今曹州府曹縣。

有楚邱亭。以歸。

初戎朝于周。發幣于公卿。

發陳財幣于公卿。

凡伯弗賓。至是凡

伯聘魯還。戎伐之于楚邱。以歸。

丙寅

五年鄭以祊

注見前。

易魯許田。

近許之田。今河南許州有魯城。本許田。後置邑。

鄭伯請釋泰山之祀。

天子有事于泰山。諸侯皆從。泰山之下。諸侯各有湯沐邑。鄭之邑在

祊。而祀周公。

成王營東都。賜周公許田。為魯朝宿之地。後世因立公別廟焉。鄭欲易許田。恐魯公

以別廟為疑。故請已廢泰山之祀。而為魯祀周公。

以泰山之祊易許田。

祊近于魯。許近

于鄭。鄭以天子不能復巡狩。故各以其近者相易。

遂歸祊于魯。後魯侯軌

桓公

即位。鄭復以璧假許田。乃卒易之。

左傳。桓公元年。修好于鄭。卒易祊田。

范氏甯曰。王室微弱。無復方岳之會。諸侯驕慢。亦廢朝覲之事。故鄭以湯沐之邑。易魯朝宿之邑也。

以虢公忌父為卿士。

金氏履祥曰。鄭伯爭政之由。桓王伐鄭之故。

宋公。齊侯。衛侯。盟于瓦屋。周地。今開封府洧川縣有瓦屋里。

此參盟之始。穀梁傳。諸侯之參盟于是始。胡氏傳。春秋謹參盟。

戊辰七年。鄭伯以王命會齊侯。魯侯。伐宋。

宋公不王。不共王職。鄭伯為王左卿士。以王命告于齊魯。遂

伐宋。魯敗宋師于營。古頑反。宋地。鄭取郕。宋邑。在今曹州府城武縣。是為南郕。

及防。今山東兗州府金鄉縣西防城是。歸于魯。是秋宋人衛人入鄭。鄭不

設備。二國乘虛入之。蔡人從之。伐戴。今河南歸德府考城縣有故戴城。周戴國。鄭伯圍

戴。克之。取三師。程子。鄭戴合攻。取三國之眾。復以齊人入郕。公羊作盛。文王



子叔武封。以郕不會王命也。不會伐宋之命。明年鄭以齊魯入

許。許莊公奔衛。許四岳後封。注見前。使許大夫百里奉許叔。莊公弟。後復入于許。

居許東偏。公孫獲。鄭大夫。居許西偏。今許州長葛縣有東西二城。即許叔與公

孫獲分處地。

李氏廉曰。傳言鄭伯為王左卿士。鄭之所以周旋王室。不過為矯假報復之私。非有夾輔之誠也。敗宋。入郕。入許。志得意滿。而有繻葛之戰矣。

已巳八年。魯公子翬弑其君息姑而立軌。是為桓公。

翬。字羽父。請殺公子軌。將以求太宰。公曰。為其少故也。吾

將授之矣。使營菟裘。邑名。今兗州府泗水縣有菟裘城。吾將老焉。羽父

懼。反譖公于軌而請弑之。公祭鍾巫。公為公子時為鄭所獲。禱于尹氏之

主鍾巫。遂與尹氏歸而立其主。館于寯氏。魯大夫。羽父使賊弑公立軌而

討寫氏

辛未十年宋督華父督宋戴公孫弑其君與夷殤公及其大夫孔父

孔子六世祖

初宋宣公名力武公子卒舍其子與夷而立弟和是為穆公後穆

公疾召大司馬孔父而屬與夷焉使奉之孔父曰羣臣

願奉馮也馮穆公子公曰不可使馮出居于鄭遂卒與夷立

孔父為司馬督為太宰十年十一戰民不堪命督宣言

曰司馬則然遂殺孔父并弑殤公名公子馮于鄭而立

之是為莊公公羊傳督將弑殤公以孔父生而在殤公不可得而弑于是先攻孔父之家殤公救之皆死焉

魯侯會齊侯陳侯鄭伯于稷宋地以成宋亂成平也有

之



宋以郕

國名。文王之後。是為北郕。注見前。

大鼎賂魯侯。齊陳鄭皆有賂。

于是立華氏。督遂相宋公。魯取郕大鼎。納于太廟。臧孫

達

魯孝公子。字子臧。是為僖伯。諫不聽。其後以臧為氏。子達是為哀伯。

蔡侯鄭伯會于鄧。今許州鄧城是。

始懼楚也。

十有一年。晉曲沃敗晉師于汾隰。

汾水之邊。左傳疏。汾水出太原故汾陽縣。

東南至河東汾陰縣入河。故汾陽。今山西忻州靜樂縣汾陰。今山西蒲州府榮河縣。

獲晉侯。哀侯光。

晉欒成

靖侯孫欒賓子。賓食采于欒。欒氏故城在今直隸趙州西北。已死之。

晉侯侵陘庭

今山西平陽府翼城縣東南。有熒庭城。志云。即陘庭也。

之田。陘庭南

郕。啓曲沃伐翼。

即翼城。晉所都。曲沃伯弼。

即武公。子逐。晉侯于汾

陽。夜獲之。及欒成。

諡其叔。

稱止之曰。苟無死。吾以干見天。

繻葛之戰春秋大變也鄭  
於周室最親密邇畿甸當  
率先諸侯以奉王命乃因  
王昇號公政輒興師入寇  
又拒王逆戰無君之罪著  
矣故謂鄭莊為春秋之首  
惡也可

子。令子為上卿。制晉國之政。辭曰。民生于三。事之如一。  
父。生之。師。教之。君。食之。惟其所在。則致死焉。遂鬪而死。  
時晉人立哀侯子小子為君。是為小子侯。小子侯元年。  
曲沃武公使韓萬弑哀侯。四年。武公誘小子侯而殺之。  
繻。韓萬。曲沃桓叔子。食采韓原。因以為氏。  
秋七月。壬辰朔。日有食之。既。

戊甲 十有三年。蔡人衛人陳人從王伐鄭。

王奪鄭伯政。鄭伯不朝。王以蔡人衛人陳人伐鄭。鄭伯

禦之。為魚麗之陳。先偏後伍。伍承彌縫。司馬法。車戰二

車居前。以伍次之。承偏之隙。而彌縫。戰于繻葛。鄭地。或

闕漏也。五人為伍。此蓋魚麗陳法。王卒大敗。

祝聃射王中肩。王亦能軍。殿而不奔。祝聃請從之。鄭伯曰。君



子不欲多上人。况敢陵天子乎？夜，鄭伯使祭足勞王，且問左右。

乙亥十有四年，北戎即山戎伐齊。鄭世子忽帥師救之，遂敗戎師。

先是北戎侵鄭，鄭人敗之。鄭為三覆以待戎，戎人之前遇覆者奔，祝聃逐之，衷戎師。

前後擊之。及是，戎復伐齊。齊侯使乞師于鄭。鄭世子忽帥師救齊，大敗戎師，獲其二帥大良、少良，甲首被甲者首三

百，以獻于齊。初，魯侯未昏于齊，齊侯欲以其女即文姜，魯桓公

夫妻忽，忽辭。人問其故，忽曰：「人各有耦，齊大非吾耦也。」及敗戎師，齊侯又請妻之，固辭。人問其故，忽曰：「無事于

齊，吾猶不敢，今以君命奔齊之急，而受室以歸，是以師

昏也。人其謂我何。祭仲曰。君多內寵。子無大援。將不立。

三公子

子突。子儀。子臧。

皆君也。弗從。

丙十有五年。遷盟。

左傳注。盟津也。盟津。即孟津。注見前。

向。今懷慶府濟源縣向城是。之民。

于邲。

即邲。鄆。注亦見前。

盟。向求成于鄭。

王之八年。以蘇忿生之田十二邑。易鄭田。盟。向其二邑也。不肯。即鄭至是而始

求成

既而背之。

背鄭。歸于。

鄭人。齊人。衛人。伐盟。向王遷其民。

于邲。

丁十有六年。楚僭稱王。

楚自熊渠八傳為若敖。若敖再傳為蚡冒。蚡冒之弟熊通。弑蚡冒子

而自立。始僭號稱王。

楚子熊通伐隨。

姬姓。侯爵。今湖北德安府隨州。春秋隨國。

俾請王室尊其號。

隨為固請。王不許。熊通怒曰。吾先鬻熊。文王之師也。成



王舉我先公。令居楚。蠻夷率服。而王不加位。我自尊耳。

乃自立為王。

是為楚武。考金氏前編。于楚僭號以後。諸君始立之初。則書是為某。分注之處。則

書楚某。皆削王存諡。以別于周天子。今依之。其引用左國史記諸書。則仍從原文稱王。與隨人盟

而去。後周召隨侯。

莊王七年。

數以立楚為王。楚以隨背已伐

隨。熊通卒于師。子熊賁立。

是為楚文。左傳。楚武王伐隨。卒于櫟木之下。令尹鬬祁莫

敖屈重。除道梁澁。營軍臨隨。隨人懼。行成。莫敖以王命

入盟。隨侯而還。櫟木。山名。在今湖北安陸府鍾祥縣

東。令尹莫敖。楚官名。鬬氏。屈氏。皆楚公族。以邑為氏。澁。水名。出今湖北德安府隨州西北。下流入澗水。

庚辰

十有九年。鄭伯寤生卒。

鄭莊公卒。嫡庶爭立。逾二十年。今依俞氏臯敘說彙輯。而以左

傳作注。

鄭莊公娶鄧曼。

鄧國。曼姓。今湖北襄陽府襄陽縣。有鄧縣故城。春秋鄧國地。

生世子

忽。

是為昭公。

又納宋雍氏女。曰雍姑。生子突。

是為厲公。

又生子亹。

子儀莊公卒。忽立。甫四月。突自宋入于鄭。忽出奔。雍氏宗有

寵于宋。誘祭仲而執之。使之立突。祭仲乃以厲公歸而立之。昭公奔衛。公使其壻雍糾殺之。雍姬告仲。仲殺糾。厲公奔蔡。尋入居于櫟。事在王二十三年。

忽復立。高渠彌弑之。立子亶。初。莊公將以高渠彌為卿。昭公固諫。及昭公立。渠彌

懼其殺已。遂弑之。與祭仲共立子亶。事在莊王二年。齊人殺子亶。齊侯師于首止。子亶會之。高渠

彌從。祭仲稱疾不往。齊人殺子亶。而轅高渠彌。事在莊王三年。首止。衛地。今歸德府睢州。有首鄉。劉昭曰。首

止。祭仲立子儀。子儀立十四年。祭仲已死。突使傅瑕殺之而

復入。厲公自櫟侵鄭。獲傅瑕。傅瑕請納公。遂與之盟。傅瑕殺子儀及其二子。而納厲公。厲公入。遂殺傅瑕。

事在僖王二年。

甲申二十有三年。使家父如魯求車。公羊傳。王者無求。求車非禮也。

王崩。子佗立。是為莊王。



莊王

乙酉元年。衛侯朔出奔齊。

初。衛宣公烝于夷姜。宣公庶母。生急子。急。詩序。史記。俱作伋。屬諸右公

子。為之娶于齊而美。公取之。是為宣姜。詩序。邶風新臺。衛宣納伋之妻。作新臺于

河上而要之。國人惡之。而作是詩。生壽及朔。屬壽于左公子。左。傳注。左

子。蓋宣公之兄弟也。夷姜縊。夫人姜。即宣姜。與朔構急子。公

使諸齊。使盜待諸莘。今山東東昌府莘縣。有莘亭故城。春秋衛地。壽告急子。

使行。不可壽飲以酒。載其旌以先。史記。宣公與伋白旌者。告盜曰。見持白旌者。

殺。盜殺之。急子至。曰。我之求也。請殺我。盜又殺之。詩序。邶風

二子乘舟。思伋壽也。宣公之二子交相為死。國人傷而思之。作是詩也。左右公子故怨朔。

宣公卒。朔立。自是為惠公。四年。左公子洩。右公子職。攻衛侯。立

按史記宣公十八年納伋妻其年生壽及朔即於其年朔讒伋壽爭死是則讒者爭死者皆甫生數月之子為情理所必無且宣公死後宣姜亦幾老而左傳所云齊人使昭伯烝於宣姜不可強之而後生三女二男既已失節之淫婦又何待強而老婦連生五子又必無之事紀載家失實傷理莫有甚於此者故為之考證如右

衛君  
公子

亥丁

襄公諸兒  
僖公子

通焉

史記襄公故嘗私通魯夫人及

與桓公來襄公復通焉詩序齊風南山刺襄公也鳥獸之行淫乎其妹又敝笱刺文姜也齊人惡魯桓公微弱不能防閑文姜使至公謫之以告齊侯享公使公子彭搖亂爲二國患焉

史記齊襄公享公公醉使公子魯人  
彭生抱公因摺其脇公死于車

告于齊曰寡君來

諸侯請以彭生除之。齊人殺彭生。魯立桓公子同。

齊地于防。魯地見前

注于

穀。齊地。今山東泰安府東阿。

縣穀城故縣是

又享之于祝邱。

魯地。今山東沂州府蘭山縣卽邱城。是詩序齊風載驅驅齊人刺

襄公無禮義盛其車服其惡于萬民焉又猗嗟



母。失子之道。人以  
為齊侯之子焉。

周公黑肩謀弑王。伏誅。

周公欲弑王。而立王子克。莊王弟。子儀。辛伯周大夫。告王。遂與

王殺周公。王子克奔燕。南燕。姑姓。今衛輝府延津縣。南燕故城是。初。子儀有

寵于桓王。桓王屬諸周公。辛伯諫曰。並后。妾如后。匹嫡。庶如嫡。

兩政。臣擅命。耦國。都如國。亂之本也。周公弗從。故及。

戊子四年。使榮叔周大夫。榮氏。叔字。錫魯桓公命。追命以褒之。

王姬歸于齊。

王使單伯文獻通考。單姬姓。伯爵。國在畿內。世為王卿士。送王姬。送。公羊穀梁作逆。以單伯

為魯大夫。魯築王姬之館于外。天子嫁女于諸侯。使諸侯同姓者主之。魯侯奉

命主王姬之婚。方在諒闇。故梁舍于外。王姬歸于齊。尋卒。

單伯送王姬。公穀作逆釋  
春秋者辨論紛如今按魯  
世卿無單氏而王朝有單  
伯單子此單伯即後會伐  
宋之單伯也審此則是送

非逆不辨而自明

孫氏覺曰。齊為魯世讐。而魯主其婚。又在衰絰之中。不書王姬之歸。無以見魯之失禮。王之失命也。

辛卯

七年。紀侯大去其國。左傳注。大去者。不反之辭。

齊人遷紀郕。

漢書作餅。今山東青州府臨朐縣餅縣故城是。郕。今山東萊州府

是。

縣。今青州府安邱縣。郕城故城是。

紀季以鄆。

戶圭反。今青州府臨淄縣鄆亭是。

入于

齊。

左傳疏釋例。齊侯鄭伯許朝于紀。以襲之。紀人大懼。謀難于魯。請王命以求成于齊。魯告不能。齊遂偪之。

遷其三邑。紀有旦夕之危。故分季以鄆。請事于齊。

紀侯不能下齊。以與紀季于

是大去其國。

釋例。紀侯自以列國。不忍屈臣于齊。以國與季。脫身外寓。社稷有奉。故不言滅。不見

迫逐。故違齊難也。違去也。

陸氏淳曰。失國而曰大去。何也。紀侯賢而無罪。怙力者并之。故力不足者。君子不咎之。不曰出奔。所以護紀惡

齊也。不書滅。不絕其祀也。

壬辰

八年。冬。齊人。宋人。魯人。陳人。蔡人。伐衛。



衛侯朔居齊八年。至是。齊侯會諸侯以納之。

癸巳九年春。王使子突救衛。

王人子突救衛。弗克。朔遂入于衛。殺左右公子。洩職而復

立黔牟奔于周。

甲午十年夏四月辛卯夜。恒星不見。夜中星隕如雨。左傳注日光不

匿。恒星不見。疏。夜者。自昏至旦之總名。但此經下言夜中。則上言夜者。夜未至中。謂初昏之後耳。非竟夜不見星也。

乙未十有一年。齊無知弒其君諸兒。

齊侯使連稱管至父。二人皆齊大夫。戍葵邱。此齊葵邱。在青州府臨淄縣西。瓜

期而往。曰。及瓜而代。期戍。公問不至。請代。又弗許。二人

怒。因公孫無知以作亂。僖公母弟夷仲年。生無知。有寵于僖公。衣服禮秩如適。襄公絀

之故。二人遂弒襄公。曰。公遊姑蔑。遂田貝邱。見大豕。從者因之作亂。

而啼。公懼。墜于車。傷足。喪屨。誅屨于徒人費。鞭之見血。費走出。遇賊于門。賊劫之。費袒而示之背。請先入。伏公而出。鬪死于門中。賊遂入。見公之足于戶下。遂弑之。姑焚。即薄姑。注見前。貝邱。齊地。今青州府博興縣南。有貝中聚。而立無知。

丙申。干有二年。齊人殺無知。公子小白立。是為桓公。

無知嘗虐于雍廩。

史記作雍林。賈逵曰。渠邱大夫也。今臨淄縣有渠邱亭。

既立。雍

廩殺無知。初。襄公立。無常。

政令無常。鮑叔牙。齊大夫。以曰。君

使民慢。亂將作矣。奉公子小白。

僖公庶子。奔莒。嬴姓國。子亂

作。管夷吾。

史記。賴上人。氏族略。夷吾出自周穆王。

召忽。奉公子糾。糾小白奔

魯。魯聞無知死。伐齊。納子糾。小白已自莒先入。

史記。齊大夫高

僖。先陰召小白于莒。魯納子糾。使管仲遮莒道。射中小白帶鉤。小白佯死。管仲使人馳報魯。魯送糾者行益遲。

至齊。則小白已入。高僖立之。高

發兵拒魯。戰于乾時。



乾音干。齊地。左傳注。時水支流。旱則竭涸。故曰乾時。時水在今青州府博興縣南。魯師敗走。鮑

叔牙帥師言于魯曰。子糾親也。請君討之。管召讐也。請

受而甘心焉。乃殺子糾于生竇。史記作笙竇。賈逵曰。句

荷澤縣北。召忽死之。管仲請囚。國語。齊桓公使請管仲于魯。

子。天下之才也。所在之國。必得志于天下。請殺而以屍

授之。莊公將殺仲。齊使者請生致之。莊公遂束縛以與

齊。鮑叔受之。及堂阜。齊地。在今沂州府蒙陰縣西北。而稅。同脫。左傳

齊以管夷吾為相。

鮑叔以管仲至齊。三黜。以香薰。三浴之。齊侯親逆于郊。

與之坐而問焉。對輒稱善。乃以為相。號曰仲父。仲為政。

四民不使雜處。國語。管子對桓公曰。四民者。雜處則其

首仲制國大槩本於周禮而行之以權便蓋限於時勢不得不然至山高乘馬準輕重而權穀幣儒者謂其漸開申商之學似矣然富國強兵霸佐之才所就

高宜如是而已較之空談  
仁義流弊如朱襄者不更  
可強耶

工就官府處商就市井處農就田野少而習焉其心安  
焉不見異物而遷焉是故其父兄之教不肅而成子弟  
之學不制國為二十一鄉國語管子制工商之鄉六士  
勞而能制國為二十一鄉國語管子制工商之鄉六士  
五鄉高子帥五鄉士作內政國政以寄軍令軍令寄  
鄉管子作士農之鄉也國語管子制五家為軌軌為  
政若有征伐鄰國不知也國語管子制五家為軌軌為  
之長十軌為里里置有司四里為連連為之長十連為  
鄉鄉有良人焉以為軍令五家為軌故五人為伍軌長  
帥之十軌為里故五十人為小戎里有司帥之四里為  
連故二百人為卒連長帥之十連為鄉故二千人為旅  
鄉良人帥之五鄉一帥故萬人為一軍五鄉之帥帥之  
伍之人世同居少同遊故夜戰聲相聞足以不乖畫戰  
目相視足以相識其懽欣足以相死居同樂行同和死  
同哀是故守則官山海以準輕重管子書桓公曰何以  
同固戰則同彊官山海以準輕重富國對曰惟官山海  
可耳謹鹽策與鐵官之立三選以擇賢國語鄉長進賢  
數其餘輕重準此而行立三選以擇賢公親見之遂使  
役官官長期而書伐以告且選選其賢者而用之公分  
訾相其質觀其所能升以為上卿之贊是為三選分  
五屬以布憲管子書五屬立五大夫各治一屬正月之  
朝君乃出令布憲五屬大夫皆受憲于君



重農以權穀幣

管子書。粟重而萬物輕。粟輕而萬物重。兩者不衡立。故殺去商賈之利。而益農。

夫之事。則田野闢而農勸其事。又曰。穀爲君。幣爲下。故五穀粟米者。民之司命。黃金刀布者。民之通貨。

罪以備器械

管子書因器制重罪。以盾一戟小罪。適以金。美金。

以鑄劍戟惡金美  
以鑄鉏耒戶櫛

厚聘幣反侵地

國語桓公曰吾欲從事于諸侯管仲曰審

吾封疆而反其侵地重爲之皮幣以驟聘類于諸侯則四鄰之國親矣。

以親諸侯。齊侯悉

從之故仲得盡其才而伯功立

酉丁

十有三年魯敗齊師于長勺

魯地春秋彙纂路氏曰成  
王以商民六族錫魯公有

長勺氏此商民所居也。

齊伐魯。魯侯將戰。曹歲

人

請從公與之乘戰于長勺

公將鼓之。劓曰：「未可。」齊人三鼓。劓曰：「可矣。」齊師敗績。公

將馳之。劇曰。未可。下視其轍。登軾而望之。曰。可矣。遂逐。

齊師既克。公問其故。對曰。夫戰勇氣也。一鼓作氣。再而衰。三而竭。彼竭我盈。故克之。夫大國難測也。懼有伏焉。吾視其轍亂。望其旗靡。故逐之。

敗蔡師于莘。蔡地在今河南汝寧府汝陽縣。以蔡侯獻舞。哀侯蔡仲歸。

蔡侯娶于陳。息侯。今河南光州息縣有古息里。即息侯國。亦娶焉。息嬀將

歸過蔡。蔡侯止而見之。弗賓。息侯聞之。怒。使告楚曰。伐

我。我求救于蔡。而伐之。楚子從之。敗蔡師于莘。執蔡侯

以歸。史記楚世家。文王伐蔡。虜哀侯。已而釋之。蔡侯繩繫也。息嬀以語楚子。楚

子如息。以食入享。遂滅息。而納息嬀。息嬀不言。楚子問

之。對曰。吾一婦人而事二夫。縱不能死。又奚言。楚子以

蔡侯滅息。遂復伐蔡。入之。邵子經世書。自是正漢之國。皆服于楚。



齊師滅譚

今山東濟南府歷城縣有譚城古譚國

齊侯之出也過譚譚不禮焉及其入也諸侯皆賀譚又

不至齊師滅譚譚子奔莒

陳氏傳良曰滅國始于此春秋滅國三十六五伯為之也

己亥十有五年王崩子胡齊立是為僖王

宋萬弑其君捷

莊公馮之子閔公

及其大夫仇牧

初宋伐魯戰于乘邱

魯地故城在今山東兗州府滋陽縣西北

魯侯以金僕

姑

矢名

射南宮長萬

宋大夫

公右欲孫生搏之

搏取也

宋人請

萬萬歸宋公斬之

戲而相愧曰斬

曰始吾敬子今子魯囚也萬

病之遂弑閔公于蒙澤

今河南歸德府商邱縣蒙縣故城是

遇仇牧于門

批而殺之

公羊傳萬與閔公博婦人皆在側萬曰甚矣魯侯之美也天下諸侯宜為君者魯侯耳閔

公矜此婦人。妬其言。顧曰。此虜也。爾虜焉故。魯侯之美惡乎至。萬怒搏閔公。絕其脰。仇牧聞君弑。趨而至。遇之于門。手劍而叱之。萬脅擲。仇牧碎其首。齒著乎門闥。遇大宰督于東宮之西。又殺之。立子游。宋之公子。羣公子奔蕭。宋邑。今江南徐州府蕭縣故蕭城是。公子御說。莊公。奔毫。即毫城。注見前。南宮牛。萬之子。猛獲。萬之黨。帥師圍毫。蕭叔大心。蕭大夫。及戴武。宣穆莊之族。以曹師伐之。武王鐸封曹。注見前。殺南宮牛于師。殺子游于宋。立御說。是為猛獲。奔衛。萬奔陳。宋人請猛獲于衛。亦請萬于陳。以賂歸。皆醢之。陳使婦人飲萬酒。而以犀革裹之。比及宋。手足皆見。

### 僖王

庚子元年。齊侯宋人蔡人邾人。邾國曹姓。注見前。會于北杏。齊地。在今山東泰安府東阿縣北。



宋有弑君之亂。齊侯欲修伯業。會于北杏以平之。齊桓公衣

裳之會一。

胡氏安國曰。春秋之世。以諸侯而主天下會盟之政。自北杏始。其後宋襄。晉文。楚莊。秦穆。交主夏盟。跡此而爲之者也。

齊人滅遂。

舜之後。今兗州府寧陽縣北有遂鄉。春秋遂國。

北杏之會。遂人不至。齊滅遂而戍之。後遂人飲戍者酒。

醉而殺之。齊人殲焉。

魯侯會齊侯盟于柯。

左傳注。此柯濟北東阿。齊之阿邑。爲祝柯。今爲祝阿。今兗州府陽穀縣東。

北有阿城鎮。卽春秋齊阿邑。

魯侯將盟。曹沫。

左傳疏。曹劇。史記作曹沫。

以匕首劫齊侯于壇上。曰。

以魯之侵地。公許之。曹沫去匕首。北面就臣位。公後悔。

欲無與魯地而殺曹沫。管仲曰：棄信于諸侯，不可。于是歸地于魯。諸侯聞之，皆信齊而欲附焉。公羊傳：齊桓之信著乎天下，自

柯之盟始。

丑辛二年。命單伯會諸侯。齊陳曹。伐宋。

宋人背北杏之會。諸侯伐宋。齊侯請師于王。王命單伯會之。取成于宋而還。

單伯會齊侯、宋公、衛侯、鄭伯于鄆。衛邑。今曹州府濮州鄆城故城是。

宋服故也。齊桓公衣裳之會二。

寅壬三年。齊侯、宋公、陳侯、衛侯、鄭伯會于鄆。

齊始霸。故諸侯復會焉。齊桓公衣裳之會三。

癸卯四年。命曲沃伯稱為晉侯。



曲沃伯伐晉侯緡滅之。盡以其寶器賂王。王使虢公命

曲沃伯以一軍爲晉侯。自桓叔始封曲沃。至是凡六十七年。

夏。宋人齊人衛人伐鄭。冬。齊侯宋公魯侯陳侯衛侯鄭伯

許男。莊公弟穆公新城。滑伯。今河南河南府偃師縣有緡氏故城。春秋滑國。滕子。文王子叔繡封

滕。注見前。同盟于幽。宋地。在今河南歸德府考城縣界。

鄭人侵宋。諸侯爲宋故伐鄭。冬同盟于幽。鄭成也。齊桓公衣

裳之會四。

楚滅鄧。鄧國注見前。

初。楚子伐申。過鄧。鄧侯曰。吾甥也。止而享之。騅甥。聃甥。

養甥。皆鄧之甥。仕于舅氏。請殺楚子。曰。亡鄧國者。必此人也。若不

早圖。後君噬臍。何及。若噬臍。喻不可及。鄧侯弗從。還年。伐申還之。

楚子伐鄧至是滅之。

為國

周大

以晉師殺夷詭諸

赤眉大夫夷宋地名

周公忌父出奔虢

初曲沃伯伐夷執夷詭諸為國請而免之既而弗報

不報施于為國

故為國作亂謂晉人曰與我伐夷而取其地遂

以晉師伐夷殺夷詭諸周公忌父出奔虢避為國之難後惠王立復

甲辰

五年王崩太子閔立

是為惠王

秦徙都雍

今陝西鳳翔府鳳翔縣有雍縣故城元和志春秋時秦都

初秦寧公

文公孫

自汧渭之間徙居平陽

今鳳翔府岐山縣平陽故城是

至是德公立

寧公子武公弟

徙雍居大鄭宮以犧三百牢祠鄜

時初作伏祠

孟康曰六月伏日也周時無至此乃行之師古曰伏者謂陰氣將起迫于殘陽而未



得升。故為藏伏。因名伏日也。立秋後。以金礫狗邑四門。代火。金畏于火。故至庚日必伏。庚金也。以禦蠱。蠱者熱毒惡氣。狗陽畜。故礫以禦之。

惠王

己丑元年春三月。日有食之。

虢公晉侯來朝。

王饗醴。命之宥。宥。助也。命之幣。物以助勸敬。皆賜玉五穀。音角。亦作珏。雙玉也。

馬三匹。左傳。非禮也。王命諸侯。名位不同。禮亦異數。不以禮假人。

使原伯文王第十六子。封原。今懷慶府濟源縣。占原城是也。其後世為王室卿士。逆后于陳。陳

嬀歸于京師。是為惠后。

號晉朝王。鄭伯以齊執其卿。鄭不朝齊。齊人執鄭詹。才王為援亦

春。周信義為王定昏。使原伯逆王后于陳。陳嬀歸于京

師。

金氏履祥曰。三年之喪。自天子達。號。晉。不能以禮導王。而亟為迎昏。非禮矣。

丙午二年。為國邊伯詹父子禽祝跪五大夫。以王子頹作亂。

初。王姚

莊王妾。

嬖于莊王。生子頹。子頹有寵。為國為之師。

及王即位。取為國之圃以為囿。邊伯之官。近于王宮。王

取之。又奪子禽祝跪與詹父田。而收膳夫

石速也。

之秩。故

為國邊伯石速詹父子禽祝跪作亂。因蘇氏

司寇蘇忿生。食采于

溫。亦曰蘇城。其後為王卿士。桓王八年。以蘇之十二邑與鄭。故怨。

秋。五大夫

石速為士。不在五大

夫。奉子頹以攻王。不克。出奔溫。蘇子奉子頹奔衛。衛人

燕人

南燕也。

來寇。立子頹。

丁未

三年。王居于櫟。

注見前。



鄭伯和王室不克執燕仲父。南燕伯。遂以王歸。王處于櫟。

秋。王及鄭伯入于鄆。桓王時所取鄭邑。今河南府偃師縣鄆聚是。遂入成周。

取其寶器而還。

戊申四年。虢公鄭伯奉王歸于王城。誅子頹及五大夫。

虢公鄭伯胥命于弭。鄭地。在今開封府密縣界。同伐王城。鄭伯將王

自圉門入。虢叔自北門入。殺子頹及五大夫。王與鄭伯

武公之畧。界也。自虎牢以東。鄭武公傳平王。平王賜之虎牢。以東。後失其地。故王復與

之。虎牢。即制邑。周穆王時。有高奔戎。生捕虎于葭中。而獻之王。王命之為柙。畜之東虞。是為虎牢。後名成臯。

故城在今開封府汜水縣。五月。鄭伯卒。子捷立。是為文公。王巡虢守。巡守虢

公為王宮于珪。號地。在今河南府澠池縣界。王與之酒泉。春秋彙纂。酒泉。周邑。

今陝西同州有甘泉水。出匱谷中。造酒尤美。名酒泉。

酉巳五年陳人殺其公子禦寇公子完奔齊。是為田齊之祖。

初陳厲公名佗桓公弟。生完周史有以周易見陳侯者陳侯

使筮之遇觀之否曰是謂觀國之光利用賓于王此其

代陳有國乎不在此其在異國非此其身在其子孫光

遠而自他有耀者也若在異國必姜姓也姜大嶽之後

也山嶽則配天物莫能兩大陳衰此其昌乎至是陳人

殺太子禦寇。史記陳宣公有嬖姬生子欵欲立之故殺禦寇。陳宣公名杵臼桓公子禦寇

素愛完完懼禍及已乃奔齊齊侯使為卿辭曰羈旅之

臣幸若獲宥君之惠也敢辱高位乃使為工正完之奔

齊始易陳氏為田氏。史記正義完既奔齊不欲稱本國故號故改陳為田完卒諡敬仲。

楚熊惲弑其君囂。即杜敖楚文子。而自立。是為楚成。



杜敖欲殺其弟熊惲。惲奔隨。遂與隨襲弑杜敖。而代其位。

庚戌六年。楚人入獻。賜楚子胙。

熊惲初卽位。布德施惠。結好于諸侯。

春秋書荆人來聘。公羊傳。始能聘也。

使人入獻于天子。天子賜胙曰。鎮爾南方。夷越之亂。無侵中國。

壬子八年。夏六月。辛未朔。日有食之。

晉侯

武公子獻公詭諸。

盡殺其羣公子。

晉桓莊之族逼。

曲沃桓叔莊伯之子孫。

晉侯患之。士蔿

周柱伯子。隰叔之後。

隰叔爲晉士師。以官爲氏。

曰。去富子。

二族之富強者。

則羣公子可謀也已。晉

侯曰。爾試其事。士蔿與羣公子謀。譖富子而去之。又使

殺游氏之二子。亦桓莊族。告晉侯曰。可矣。不過二年。君必無

患。士蔿使羣公子盡殺游氏之族。城聚。晉邑。卽南絳故城。在今山西絳

州絳縣。亦曰車箱城。而處之。于是晉侯圍聚。盡殺羣公子。以士蔿

爲大司空。城絳。武公所都。故城在今絳州北。以深其宮。羣公子或亡

奔虢。虢以故再侵晉。晉侯欲伐之。士蔿曰。不可。虢公驕

若。驟得勝于我。必棄其民。無衆而後伐之。欲禦我。誰與

且亟戰。將饑。

癸丑九年冬。十有二月。癸亥朔。日有食之。

甲寅十年。齊侯。宋公。魯侯。陳侯。鄭伯。同盟于幽。

陳鄭服也。齊桓公衣裳之會五。

乙卯十有一年。齊人伐衛。衛人及齊人戰。衛人敗績。



王使召伯廖

王卿士

錫齊侯命

命為方伯

且使伐衛以其立子

頹也。于是齊侯伐衛。戰敗衛師。數之以王命。取賂而還。

高氏閭曰。衛助子頹篡王。齊為伯主。不能奔救。及鄭伯既納王。王錫齊侯命。使討之。于是乎伐衛。曰伐者。討得其罪也。然則敗衛乃取賂而還。嗟夫。齊桓以能獎王室。霸諸侯。而所為乃若是。

秋。楚伐鄭。齊人。宋人。魯人。救鄭。

楚令尹子元

楚文弟

伐鄭。入于桔枋之門。

鄭遠郊門

子元鬪禦

疆。鬪梧。耿之。不比。為旆。

子元自與三子。特建旆以居前。

鬪班若敖孫

王孫

游。王孫喜。毀眾軍。入自純門。

鄭外郭門

及達市。

鄭郭內市

縣門不

發。楚言而出。

鄭示楚間暇。故不閉城門。出兵而效楚言。

子元曰。鄭有人焉。諸

侯救鄭。楚師夜遁。

丁巳。十有三年。命虢公討樊。

注見前

執樊皮以歸。

樊皮叛王。王命虢公討之。夏四月，虢公入樊，執樊仲皮。

歸于京師。

秋九月，庚午朔，日有食之。

齊人伐山戎。

山戎伐燕。

北燕召公之後。注見前。

燕告急于齊。齊侯救燕，遂伐山

戎，至于孤竹。

注見前。

而還。燕君送齊侯，遂入齊境。齊侯曰：

「非天子，諸侯相送，不出境。吾不可以無禮于燕。」于是分

溝割燕君所至與燕。

史記正義：滄州長蘆縣有燕留城，即齊桓公分溝割燕君所至地。長

蘆，今直隸天津府天津縣。

命燕君復修召公之政，納貢于王。如成康

之時，諸侯聞之，皆從齊。

管子書：桓公未至卑耳之溪十里，見人長尺而人物具冠。右祛

衣。公問管仲，仲曰：「登山之神有俞兒者，伯王興則見祛衣，示前有水也。右祛示從右涉也。至卑耳之溪，有贊水。」



者曰。從左方涉。其深及冠。從右方涉。其深及膝。乃右涉。  
韓非子。桓公自孤竹反。迷失道。管仲曰。老馬之智可用。  
也。乃放老馬而隨之。遂得道。山中無水。隰朋曰。蟻冬居  
山之陽。夏居山之陰。蟻壤一寸而仞有水。乃掘地得水。

楚人殺令尹子元。以鬪穀奴走切於菟音烏為令尹。鬪伯比

子。楚人謂乳曰穀。謂虎為於菟。子文初生于邲。虎乳之。故名。

初。子元欲蠱文。大人即息媯。蠱。謂惑以淫事。為館于其宮側。而振

萬焉。振。動也。萬。舞也。夫八聞之。泣曰。先君以是舞也。習戎備也。

今令尹不尋諸仇讐。而于未亡人之側。不亦異乎。御人

以告子元。于是子元伐鄭。既歸而處王宮。鬪射師即鬪廉若

敖。諫執而牾之。由公鬪班。遂殺子元。鬪穀於菟為令尹。

自毀其家。以紓楚國之難。

己未。十有五年。魯侯同卒。慶父弑其君之子般。而立啓方。史記

作開莊公少  
子是為閔公

初魯侯築臺臨黨氏

魯大夫

見孟任

黨氏女

從之闕

音秘。不從公也。

以夫人許之割臂盟公生子般

祭名。首夏祭天祈雨。

講于黨氏

女公子

般之妹

觀之圉人犖自墻外與之戲子般鞭之公

曰不如殺之犖有力焉公疾問後于叔牙

史記莊公有三弟長曰慶

父次曰叔牙

對曰慶父材問于季友對曰臣以死奉般

公曰鄉者牙曰慶父材季友以君命酖叔牙曰飲此則

有後于魯國不然死且無後飲之卒立叔孫氏公薨子

般即位次于黨氏慶父使圉人犖賊子般于黨氏季友

奔陳慶父立啓方

史記莊公娶齊女曰哀姜無子其姊曰叔姜生子開慶父與哀姜通欲立

其姊之子故殺般而立子開



庚申十有六年晉滅耿周同姓國。漢書地理志。河東郡皮氏縣。有耿鄉。故耿國。皮氏。今絳州河津

縣霍。即霍叔邑。魏亦周同姓國。元和志古魏城。在芮城縣北。今山西解州芮城縣東北。有河北故

城。即魏封趙夙造父。畢萬。畢公之後。于魏。城也。之後。于耿。畢萬。以畢為氏。于魏。

晉侯作二軍。公將上軍。太子申生將下軍。趙夙御戎。畢

萬為右。以滅耿。滅霍。滅魏。還為太子城曲沃。賜趙夙耿

賜畢萬魏。以為大夫。士蔣曰。太子不得立矣。分之都城。

而位以卿。先為之極。又焉得立。不如逃之。為吳泰伯。不

亦可乎。卜偃晉掌卜之大夫。曰。畢萬之後必大。萬盈數也。魏大

名也。以是始賞。天啓之矣。萬之後為戰國魏。風之後為戰國趙。

晉十有七年。魯慶父弑其君啓方。季友立公子申。是為魯

慶父。

魯侯立。請于齊。召季友。季友自陳來歸。公之傅奪卜。齧

魯大夫。

田。公弗禁。慶父使卜。齧賊公于武闈。宮中門。謂之闈。季友

以子申適邾。

申。閔公庶兄。莊公子。

慶父奔莒。

史記。魯人欲誅慶父。慶父恐奔莒。

乃

入立之。以賂求慶父于莒。莒人歸之。及密。

左傳注。密。魯地。琅邪費縣

北。有密如亭。費縣。今屬山東沂州府。

乃縊。

其後為仲孫氏。亦曰孟氏。

閔公之死。哀姜

與知之。

史記。閔公二年。慶父與哀姜通。益甚。哀姜欲立之。故使弑公。

故孫于邾。齊人

殺之于夷。

魯地。

以其尸歸。魯人請而葬之。

狄入衛。

狄。史記作翟。黃帝之裔。處北地。後徙西河。上黨中山。其種有赤狄。白狄。

狄人伐衛。衛侯

懿公赤。惠公子。

好鶴。有乘軒者。將戰。國人受甲

者。皆曰。使鶴。戰于滎澤。

左傳注。此滎澤。當在河北。

衛師敗績。遂滅衛。

宋公

桓公。御說。

迎衛之遺民渡河。立昭伯之子申。

是為戴公。

以廬



于曹

詩作漕。通典。滑州白馬縣。衛漕邑。滑州。今衛輝府滑縣。有白馬故城。

齊侯使公子

無虧帥車三百乘甲士三千人戌曹

史記。自惠公朔。讎殺太子伋。至于懿。

公。衛人不服。嘗欲敗之。

狄殺懿公。衛人思立伋後。伋子已死。伋同母弟二人。其一曰黔牟。嘗立八年。又去。其二

曰昭伯頑。昭伯黔牟皆已死。故立昭伯子申。

壬戌

十有八年。齊師宋師曹師次于聶北

今山東東昌府聊城縣有聶城。齊西

界近邢地。

救邢。邢遷于夷儀

故城在今直隸順德府邢臺縣西。俗謂之隨宜城。

諸侯城

邢。

狄伐邢。諸侯救邢。邢人潰。出奔師。師遂逐狄人。具邢器

用而遷之。師無私焉。夏。邢遷于夷儀。諸侯城之。

楚人伐鄭

春秋于是年。荆始書楚。

鄭即齊故也。

齊桓公遷邢封衛一時危者安而仁者存孔子以仁許管仲在此孟子謂五霸假之亦在此

齊侯宋公魯侯鄭伯曹伯

昭公斑叔振鐸十二世孫邾人

會于柅

左傳作柅

春秋彙纂檉卽桡也今河南陳州府淮寧縣西北有桡城亦作澇

謀救鄭也

齊桓公衣裳之會六

癸亥

十有九年諸侯城楚邱

今衛輝府滑縣東有衛南廢縣卽齊桓公爲衛所築地非戎伐

凡伯之楚邱也

齊侯率諸侯城楚邱以封衛衛戴公卒齊侯立其弟熒

爲衛君

是爲文公

齊侯旣遷邢于夷儀又封衛于楚邱邢遷

如歸衛國忘亡

詩序衛風木瓜美齊桓公也衛國有狄人之敗出廬于漕桓公救而封之遺之

車馬器服衛人思厚報之而作是詩也

衛侯大布之衣大帛之冠務材訓

農通商惠工敬教勸學授方任能元年革車三十乘季

年乃三百乘

詩疏文公徙居楚邱始建城使民安處建市使民交易營造宮室得其時節制度民



既富饒官亦充足百姓美之爲作定之方中詩

齊侯宋公江人

左傳注江國在汝南安陽縣陽故城在今河南汝寧府正陽縣

安黃人今

南光州春秋黃國有古黃城

盟于貫

今山東曹州府曹縣有蒙澤故城古貫邑貫與貫字相似故蒙澤城

亦曰貫城

江黃楚與國始來服故爲合諸侯明年又會于陽穀

州府陽穀縣陽穀故城是

謀伐楚

歷代年表貫及陽穀之會不在九合之數

甲子二十年楚人伐鄭

先是楚人侵鄭鬬章

楚大夫

囚鄭聃伯至是復伐鄭鄭伯

欲成孔叔

鄭大夫

曰不可齊方勤我棄德不祥

丑

二十有一年春齊侯宋公魯侯陳侯衛侯鄭伯許男曹

伯侵蔡蔡潰遂伐楚次于陘

今許州鄆城縣陘亭是

楚屈完

楚大夫

來

齊帥諸侯伐楚仗義執言而楚服論者謂召陵之盟庶幾不戰而屈人之兵然

屈完所對始若詠諧繼更高凡所謂服者蓋亦幾希耳穀梁傳所以稱召陵得志為僅也胡安國乃云庶幾王者之事則過情矣

盟于師盟于召陵

今鄭城縣東有召陵故城即屈完來盟地

齊侯以諸侯之師侵蔡

史記桓公與蔡姬戲舟中蔡姬習水蕩公公懼止之不止公怒

歸蔡姬未絕蔡嫁其女桓公聞之與師往伐

蔡潰遂伐楚楚子使問師故管

仲對曰昔召康公命我先君太公曰五侯九伯女實征

之以夾輔周室爾貢包茅不入

荊州之貢包匭菁茅王祭不共無

以縮酒

束茅而灌之以酒為縮酒

寡人是徵昭王南征而不復寡人

是問對曰貢之不入寡人之罪也敢不共給昭王之不

復君其問諸水濱師進次于陘楚子使屈完如師師退

次于召陵齊侯陳諸侯之師與屈完乘

繩證反而觀之共載也

曰以此眾戰誰能禦之以此攻城何城不克對曰君若

以德綏諸侯誰敢不服君若以力楚國方城

山名在河南南陽府



葉注見以為城。漢水前以為池。雖眾無所用之。屈完及諸

侯盟。

齊人執陳轅濤塗。陳公族諸侯侵陳。

陳轅濤塗謂鄭申侯鄭大夫曰。師出于陳鄭之間。國必甚

病。若出于東方。觀兵于東夷。循海而歸。其可也。申侯曰。

善。濤塗以告齊侯。許之。申侯見曰。師老矣。若出于東方

而遇敵。懼不可用也。若出于陳鄭之間。供其資糧。屢

其可也。齊侯悅。與之虎牢。執轅濤塗。秋。齊伐陳。冬。諸侯

之師侵陳。陳成歸。轅濤塗。

丙寅二十有二年。晉侯殺其世子申生。

晉侯烝于齊姜。武公姜生太子申生。同母女弟。為秦穆公夫人。娶二女。

于戎。大戎。唐叔子孫。別在戎者。狐姬生重耳。小戎。允姓之戎。子生夷吾。

伐驪戎。今陝西西安府臨潼縣。有驪戎城。故驪戎國。驪戎男女以驪姬歸。生

奚齊。其娣生卓子。驪姬嬖。欲立其子。賂外嬖梁五。在閭之

外者。與東關嬖五。別在關塞外者。使言于晉侯曰。曲沃君之宗也。

蒲。今山西隰州。有古蒲城。春秋晉蒲邑。與二屈。今山西吉州。有北屈廢縣。晉屈邑。君之疆

也。不可以無主。若使太子主曲沃。而重耳夷吾王蒲與

屈。則可以威民而懼戎。且旌君伐。乃使太子居曲沃。重

耳居蒲。夷吾居屈。晉侯使士蔣築蒲與屈。不慎。寘薪焉。公使讓之。對曰。詩云。懷德惟寧。宗子

惟城。君其修德而固宗子。何城如之。三年。將尋師焉。焉用慎。退而賦曰。狐裘彫茸。一國三公。吾誰適從。晉

侯又使太子伐東山臯落氏。赤狄別種。今山西平定州。樂平縣。有臯落山。寰宇記。

即東山臯落氏地。里克。晉大夫。諫曰。君之嗣適。不可以帥師。且臣



聞臯落氏將戰。君其舍之。晉侯曰。寡人有子。未知其誰

立焉。不對而退。及將立奚齊。既與中大夫成謀。謂里克

將殺太子而難里克。使優施飲之酒。而告之。故里克聽其謀。欲中立以自免。遂稱疾不朝。姬謂太子

曰。君夢齊姜。必速祭之。太子祭于曲沃。歸胙于公。公田

姬置諸宮六日。公至。毒而獻之。公祭之地。地墳。與犬。犬

斃。與小臣。小臣亦斃。姬泣曰。賊由太子。太子奔新城。曲沃

沃。晉侯殺其傅杜原欸。重耳謂太子曰。盍言子之志于

君。太子曰。君安驪姬。是我傷君之心也。曰。然則盍行乎。

太子曰。君謂我欲弑君也。天下豈有無父之國哉。吾何

行如之。使人辭于狐突曰。申生有罪。不敢愛其死。雖然。

君老矣。子少。國家多難。伯氏不出而圖吾君。伯氏苟出。

而圖吾君。申生受賜而死。乃縊于新城。姬又譖二公子曰。皆知之。重耳奔蒲。夷吾奔屈。晉侯使寺人披伐蒲。重耳曰。君父之命不校。乃徇曰。校者吾讎也。踰垣而走。披斬其袪。遂出奔翟。又使賈華伐屈。夷吾不能守。將奔翟。卻芮夷吾臣曰。後出同走。罪也不如之梁。故城。古梁國。梁近秦而幸焉。乃奔梁。

齊侯。宋公。魯侯。陳侯。衛侯。鄭伯。許男。穆公子。僖公業。曹伯。會王世子于首止。注見前。諸侯盟于首止。鄭伯逃歸不盟。齊桓公衣裳之會。

王后陳嬀生太子鄭。及叔帶。叔帶有寵于后。欲立之。齊侯帥諸侯會于首止。會王太子。謀寧周也。左傳注。王以惠后故。將廢太子而立叔帶。故齊桓帥諸侯會太子以定其位。諸侯盟。王使周公召鄭伯曰。



吾撫汝以從楚。輔之以晉。可以少安。

左傳注。王恨齊桓定太子之位。故召

鄭伯使

鄭伯喜于王命。而懼其不朝于齊也。故逃歸不

盟。孔叔止之。弗聽。

楚人滅弦。

今河南光州光山縣。春秋弦國地。

于是江黃道。

漢書地理志。汝南陽安道國。陽安故城。在今汝寧府確山縣。

栢。

漢書地理志。汝

南西平。故栢子國。西平縣。今屬汝寧府。

方睦于齊。皆弦姻也。弦子恃之。而

不事楚。又不設備。故亡。

秋九月戊申朔。日有食之。

晉滅虢。

注見前。

執虞公。

仲雍後。注見前。

初。晉侯使荀息。

晉之公族。食采于荀。因以為氏。

以屈產之乘。

屈產。何休曰。泉名。在

今山西汾州府石樓縣。

垂棘之璧。

垂棘。晉地。出良璧。

假道于虞。以伐虢。

水經

注。虞城北對長坂二十里。謂之虞坂。襄字記。春秋晉假道于虞以伐虢。卽此路。虞公許之。宮之

奇諫不聽。晉里克荀息帥師會虞師伐虢滅下陽。故城在今

平陸縣。至是晉復假道伐虢宮之奇諫曰一之已甚其可

再乎。諺所謂輔車相依唇亡則齒寒者。輔頰輔車牙車。輔爲外表車是

內骨故曰相依。其虞虢之謂也弗聽宮之奇以其族行曰虞不

臘矣。在此行也晉不更舉矣。十二月晉滅虢虢公醜奔

京師師還館于虞遂襲虞滅之執虞公而修虞祀且歸

其職貢于王。穀梁傳獻公舉虞荀息牽馬操璧而前曰璧則猶是也而馬齒加長矣。

丁卯二十有三年齊侯宋公魯侯陳侯曹伯伐鄭楚人圍許

諸侯遂救許。

諸侯伐鄭以其逃首止之盟故也。楚子圍許以救鄭諸



侯救許乃還。

戊辰二十有四年。齊侯宋公魯侯陳世子欵鄭世子華盟于

甯母。

今山東兗州府魚臺縣有泥母亭。即春秋甯母地。泥讀如甯。

齊人伐鄭。鄭孔叔請下齊以救國。公曰。吾知其所由來

矣。夏。殺申侯以說于齊。秋。盟于甯母。管仲言于齊侯曰。

招攜以禮。懷遠以德。齊侯修禮于諸侯。諸侯官受方物。

鄭伯使太子華聽命于會。子華言于齊侯。請去洩氏。孔

氏。子人氏。

三族皆鄭大夫。

以鄭爲內臣。齊侯將許之。管仲曰。君

以禮與信屬諸侯。而以姦終之。無乃不可乎。子父不姦

之謂禮。守命共時之謂信。違此二者。姦孰甚焉。會而列

姦。何以示後嗣。夫子華旣爲太子。而求介于大國。以弱

其國亦必不免。齊侯辭焉。子華由是得罪于鄭。齊桓公衣裳之

會八。

已二十有五年。王人齊侯。宋公。魯侯。衛侯。曹伯。昭公之子。其公襄。陳

世子欵盟于洮。

今曹州府濮州洮城是。

謀王室也。鄭伯乞盟。請服也。

齊桓公兵車之會一。

王崩。太子鄭立。

是為襄王。

王崩于二十四年之閏月。太子惡太叔帶之難。懼不得

立。不發喪而告難于齊。洮之盟。位既定。而後告喪于諸

侯。

通志。春秋書惠王之崩。于是年十二月。從告也。

襄王

孟平稱五霸。齊桓為盛。

庚午。元年。幸周公。

幸孔也。天子三公不字。

會齊侯。魯侯。宋子。

桓公子襄公。茲父。桓



邱之會雖明其禁而內寵  
爭鬪先自犯之蓋無明德  
新民之實徒修勤遠歸好  
之辭未久而不渝者是  
以仲尼之門五尺之童羞  
稱五霸所為正而不譎亦  
云彼善于此而已

公卒未葬。衛侯鄭伯許男曹伯于葵邱。宋地。今河南歸德府考城縣有葵邱聚其地有盟臺亦名盟臺鄉。

齊侯會諸侯于葵邱。王使宰孔賜齊侯胙。史記王賜桓公文武胙彤

弓。大。天子有事于文武使孔賜伯舅胙。齊侯將下拜。

孔曰且有後命。天子使孔曰以伯舅耄老加勞賜一綬。

無下拜。對曰天威不遠顔咫尺。小白余敢貪天子之命。

無下拜。恐隕越于下。以遺天子羞。敢不下拜。下拜登受。

諸侯盟陳牲而不殺。讀書加于牲上。壹猶專明天子之

禁。初命曰誅不孝。無易樹子。無以妾為妻。再命曰尊賢育才。以彰有德。三命曰敬老慈幼。無忘賓旅。四命曰

士無世官。官事無攝。取士必得。無專殺大。五命曰無曲防。無遏糴。無有封而不告。曰凡我同盟

之人既盟之後言歸于好。宰孔先歸遇晉侯。史記晉獻公病行後

未至。曰：可無會也。齊侯不務德而勤遠畧，故北伐山戎，南伐楚，西爲此會也。東畧之不知，西則否矣。其在亂乎？在也。微誠獻公。君務靖亂，無勤于行。晉侯乃還。齊桓公衣言晉將有亂。蔡邱之會，乃桓霸盛衰之幾。鄭康成所謂桓德極而將衰也。蓋自再盟幽而諸侯協存，邢衛却狄盟，召陵帖楚而列國安，盟首止于洮，而王室寧。及乎蔡邱而極盛矣。自是而後，城杞之功，不若城邢，救徐之師，緩于救許，伐黃不郵，謀郕無成，而霸業于是遂衰。論者謂蔡邱以前，猶自朔至望之月，蔡邱以後，猶自望至晦之月。蓋由其心有勤怠之殊，是以其功有盛衰之漸也。

晉侯詭諸卒，里克殺其君之子奚齊。殺公羊作弒。

初，晉獻公使荀息傅奚齊。公疾，召之曰：「以是藐諸孤，辱在大夫，其若之何？」稽首而對曰：「臣竭其股肱之力，加之以忠貞。其濟，君之靈也；不濟，則以死繼之。」公卒，里克平



鄭

晉大夫

以三公子之徒作亂

三公子申生重耳夷吾

里克告荀息

曰三怨將作秦晉輔之子將何如荀息曰死之里克曰

無益也荀息曰吾與先君言矣不可以貳

公羊傳獻公死奚齊立里克

克謂荀息曰君殺正而立不正廢長而立幼如之何願與子慮之荀息曰君嘗訊臣矣臣對曰使死者反生

者不愧乎其言則可謂信矣里克知其不可與謀遂殺奚齊于次

喪大也

宋以公子目夷

桓公庶子

為左師

宋官名

初宋桓公疾太子茲父固請曰目夷

字子魚

長且仁君其

立之公告目夷目夷曰能以國讓仁孰大焉且又不順

遂走而退公卒茲父立

是為襄公

使目夷為左師以聽政于

是宋治

目夷之後以魚為氏世為左師

辛未二年狄滅溫。注見前。

蘇子叛王即狄又不能于狄狄人伐之王不救故滅蘇子奔衛。

晉里克弑其君卓及其大夫荀息。

里克既殺奚齊荀息將死之人曰不如立卓子而輔之。

荀息立卓子以葬獻公里克殺公子卓于朝荀息死之。

家氏鉉翁曰奚齊死于喪次君臣之分未明卓子死于既葬君臣之位已定故書法不同。

秦人納晉公子夷吾于晉周公忌父周卿王子黨周大夫會

齊隰朋齊莊公購四世孫立之。

里克及平鄭使屠岸告重耳于狄曰國亂民擾子盍入

乎重耳辭。重耳告舅犯犯曰不可夫堅樹在始始不固本終必槁落大喪大亂之刻不可犯也重耳

重耳夷吾前後對使之詞賢不肖相去固殊然重耳若無舅犯亦未必及此秦穆既以重耳為仁又聽公子穀之言先遣不仁以滑其中卒之河外之城未獲冀原之師已與諸詐相傾



鄒非爲利春秋無義戰彼時之民奚以爲哉

見使者曰父生不得供備灑掃之臣死又不敢泣喪以重其罪且辱在大夫敢辭舅犯即狐偃字子犯笑之

子呂甥

姓瑕呂各伯甥

及卻稱

晉之公族食采于卻以邑爲氏

亦使

蒲城

告夷

吾于梁曰重賂秦以求入吾主子夷吾許諾

夷吾告卻芮芮曰不

可失也蓋盡國以賂外內無愛虛以求入入而後圖聚

呂甥出告大夫

里克平鄭使請

君子秦

其辭曰天降禍于晉國喪亂並臻以君之靈罪人克伏其辜羣臣莫敢寧處將待君命君若不

忘先君之好辱收其逋遷裔胄而建立之晉國其誰非君之羣隸臣也

秦伯

德公子穆使

公子繫弔重耳曰喪不可久時不可失公子其圖之

告舅犯舅犯曰喪人無以爲寶仁親以爲寶父死之謂何又罔以爲利天下其孰能說之重耳見使

者曰父死之謂何或敢有他志以辱君義稽顙而不拜

哭而起起而不私公子繫退弔夷吾如弔重耳之命

夷吾告卻芮芮曰公子勉之猶潔不行重賂配德子無愛財夷吾見使者再拜稽首起

而不哭。私于公子繫曰。里克與我矣。吾命之田百萬。平  
鄭與我矣。吾命之田七十萬。君苟輔我入。且入河外列  
城五。爲君之東游。津梁之上。無有難急也。黃金四十鎰。  
白玉之珩六雙。不敢當公子。請納之左右。公子繫反。致  
命。秦伯曰。吾與重耳。重耳仁。公子繫曰。不如置不仁以  
滑。擾也。其中可以進退。秦伯乃發兵送夷吾于晉。時齊  
侯聞晉亂。以諸侯之師討晉。及高粱。晉地。今山西平陽府臨汾縣有高粱  
都亦名而還。使隰朋帥師會秦師。周公忌父。王子黨會  
齊隰朋。立夷吾爲晉侯。是爲惠公。晉侯使平鄭聘秦。且謝緩  
賂。史記。晉使平鄭謝秦曰。始夷吾以河西地許君。今幸  
賂得入立。大臣曰。地者先君之地。君亡在外。何得擅許  
秦。寡人爭之弗得。故謝。殺里克以說。將殺里克。使謂之曰。微子不  
弗得。故謝。及此。雖然。子弑二君與一大



夫。為子君者。不亦難乎。對曰。不有廢也。君不鄭在秦。聞

何以興。欲加之罪。其無辭乎。伏劍而死。里克死。請秦伯重問。厚幣也。以召呂甥。卻稱冀芮。別邑于

冀。即以出晉君。入重耳。秦伯許之。鄭先歸。秦使冷至。秦

夫。報問。且召三子。冀芮曰。幣重而言甘。誘我也。遂殺平

鄭。及鄭與里克之黨。祁舉及七輿大夫。左行共華。右行

七輿。申生下軍之眾大夫也。平鄭子豹奔秦。

王申三年。王子帶以戎入寇。

揚拒泉臯。皆戎邑。今河南府洛陽縣南。有戎城。又縣西

戎也。伊洛之戎。諸雜戎居伊水洛水之間者。同寇京師。入王城。王子帶

召之也。秦晉伐戎以救周。晉侯平。和也。戎于王。王以戎

難故。討王子帶。王子帶奔齊。事在四年。齊使仲孫湫。齊大夫。入

聘。且言王子帶事。卑不與王言。歸復命曰。王怒未怠。不

十年。王弗召也。事在五年。

西曆四年春三月庚午。日有食之。

楚人滅黃。

黃人恃諸侯之睦于齊。不共楚職。曰。自郢今湖北荊州府江陵縣有

紀南城。楚熊黃徙都此。一名郢城。及我九百里。焉能害我。楚遂滅之。穀

傳貫之盟。管仲曰。江黃遠我而近楚。楚為利之國也。若伐而不能救。無以宗諸侯矣。桓公不聽。及楚滅黃。桓公

不能救。

齊侯使管夷吾入聘。

齊侯使管仲平戎于王。王以上卿之禮饗仲。仲辭曰。臣

賤有司也。有天子之二守國高在。國氏高氏皆齊公族世為齊上卿。高倭。目。



前國懿仲之子曰歸父。若節時也。春秋來承王命何以禮焉陪臣

敢辭乃受下卿之禮而還

甲戌五年齊侯宋公魯侯陳侯宣公穆公衛侯鄭伯許男曹伯

會于鹹衛地。今直隸大名府開州鹹城是。

諸侯會于鹹齊桓公兵車之會二。淮夷病杞故杞初都雍邱今河南開封杞縣雍邱

故城是後東徙淳子。今山東青州府安邱縣淳子故城是。且謀王室也于是諸侯成

京師為戎難故齊仲孫湫致之。遂城緣陵即營陵故城在今青州府昌樂縣。遷杞在

六年杞于是遷緣陵其後復徙淳子。

晉饑秦輸粟于晉

晉薦饑麥不吐。乞糴于秦秦伯問百里奚史記晉滅虜其大夫百里奚為秦穆公夫人勝百里亡秦走宛楚鄙人執之穆公聞百里奚賢以五羖羊皮贖之以歸時百里奚年已

公聞百里奚賢以五羖羊皮贖之以歸時百里奚年已

七十餘。穆公與語國事三日。大與諸乎。對曰。天災流行。悅。授之國政。號曰五穀大夫。

國家代有。救災恤鄰。道也。平鄭子豹在秦。請伐晉。秦伯

曰。其君是惡。其民何罪。于是輸粟于晉。自雍秦都及絳。

晉都。注。相繼。左傳疏。維臨渭。絳臨汾。渭水自雍而東。至俱見前。相繼。華陰入河。從河逆流而上。至汾陰入汾。又

逆流東行。而通絳。命之曰汎舟之役。明年。秦饑。乞糴于晉。晉人

弗與。慶鄭晉大夫諫弗聽。

乙亥六年。沙鹿崩。沙鹿。土山。在今直隸大名府元城縣。其西有沙鹿城。

晉卜偃曰。期年將有大咎。幾亡國。

丙子七年。楚人伐徐。徐國。注。見前。

徐卽諸夏故也。

齊侯。宋公。魯侯。陳侯。衛侯。鄭伯。許男。曹伯。盟于牡邱。在今山東



東昌府在今直隸大名府長垣縣平縣東北遂次于匡有故匡城春秋衛邑諸侯之大夫

救徐。

盟于牡邱。

齊桓公兵車之會三

尋葵邱之盟且救徐也。魯公孫敖

慶父子孟穆伯

帥師及諸侯之大夫救徐諸侯次于匡以待之。

齊師曹師伐厲。

讀作賴楚與國伐之以救徐今湖北德安府隨州有厲鄉在厲山下古厲國地

不克楚敗徐于婁林。

徐邑今江南鳳陽府虹縣有古婁亭春秋婁林地

齊又爲

徐伐英氏。

英國注見前

以報婁林之役。

事在九年

夏五月日有食之。

左傳不書日朔官失之也

齊大夫管夷吾卒。

管仲病齊侯問曰羣臣誰可相者仲曰知臣莫若君公

曰易牙

卽雍巫

如何對曰殺子以適君非人情不可公曰

蘇洵以管仲不能舉賢自代責其不知似矣然仲之疾未嘗不薦隲朋而朋之才又不及仲縱不死亦不能去豈刁易牙開方況其

死耶左傳記寺人貂漏師  
于多魚仲何不即于此時  
誅貂貂誅則易牙不能進  
而開方去矣仲豈見不及  
此毋亦慮桓公之不已聽  
而反聽貂以斥已耶所以  
為器小所以為霸臣

韓之戰秦忿晉意曲直顯  
然故韓隨不能止秦伯而  
秦遂獲晉侯史記稱秦伯  
馳追晉君反為所聞食善  
馬者二百人馳昌晉軍解

開方衛公子去如何對曰背親以適君非人情難近公

曰豎刁即寺人如何對曰自宮以適君非人情難親仲卒

齊侯不用其言卒近用三子管子仲寢疾桓公問曰仲

移仲未對公曰鮑叔何如對曰鮑叔君子也其為人好

善而惡惡已甚見一惡終身不忘公曰然則孰可曰隰

朋可朋之為人好上識而下問居其家不忘公門居公

門不忘其家事君不二其心亦不忘其身其朋乎公又

問仲曰臣聞之消息盈虛與百姓詘信然後能以國寧

朋其可乎言終喟然歎曰天之生朋以為夷吾舌也其

身死舌焉得生哉史記是歲管仲隰朋皆卒

晉侯及秦伯戰于韓韓原在今陝西同州府韓城縣獲晉侯

秦伯伐晉及韓晉侯謂慶鄭曰寇深矣若之何對曰君

實深之晉侯之入許賂秦以河外列城五既而不與可

若何公曰不孫卜右慶鄭吉弗使乘小駟鄭入也慶鄭



其圖云夫一馬豈能供  
三百人之食耶史遷因事  
附會大率類此

諫弗聽

慶鄭曰古者大事必乘其產生其水土而知其人心安其教訓而服習其道唯所納之無不如

志今乘異產及懼而變將與人易

遂逆秦師使請戰戰

進退不可周旋不能君必悔之

于韓原晉戎馬還潯而止公號慶鄭慶鄭曰復諫違卜

固敗是求又何逃焉遂去之

梁山靡御韓簡號射為左

輅秦伯將止之慶鄭以救

公誤之遂失秦伯輅

秦獲晉侯以歸晉大夫反首髮

下五嫁反迎也止獲也

秦伯使辭焉曰二三子何其

垂拔舍示憂戚也

感也寡人之從君而西也亦晉之妖夢是踐

惠公初立

國遇其太子與載而告之曰夷吾無禮余得請于帝矣

將以晉界秦秦將祀余對曰神不歆非類民不祀非族

君祀無乃殄乎君其圖之太子曰吾將復請七日新城

西偏有巫者而見我焉許之遂不見及期而往告之曰

帝許我罰有罪矣敝子驪曰預曰豈敢以至晉大夫三

狐突忽如夢而見太子故曰妖夢

拜稽首曰君履后土而戴皇天皇天后土實聞君之言

羣臣敢在下風。

史記。秦穆公亡善馬。岐下野人共得而食之者三百餘人。吏逐得。欲法之。公曰。

君子不以畜產害人。吾聞食善馬肉不飲酒傷人。乃皆賜酒而赦之。三百人者。聞秦擊晉。皆求從。穆公馳追晉君。不能得。反爲所圍。于是食善馬者三百人。馳冒晉軍。解其圍。遂脫穆公。而反生得晉君。

王命秦伯釋晉侯。晉侯歸國。

王聞秦獲晉侯。曰。晉我同姓。爲請于秦。秦伯夫人。

夷吾姊。

聞晉侯將至。乃以太子與女登臺而履薪焉。使人以免

音問。

服衰經逆。且告曰。若晉君朝以入。婢子夕以死。夕

以入。則朝以死。唯君裁之。秦伯謂其大夫曰。我得晉君

以爲功。今天子爲請。夫人是憂。且晉人感憂以重我。天

地以要我。不圖晉憂。重其怒也。我食吾言。背天地也。重

怒難犯。違天不祥。必歸晉君。公孫枝。

秦大夫子桑。

曰。歸之而



陰飴甥之對秦伯實可謂  
善辭令

質其太子。必得大成。乃許晉平。十月。晉陰飴甥即呂甥

陰。故曰。會秦伯。盟于王城。秦地。在今陝西同州府朝邑縣東。秦伯曰。晉

國和乎。對曰。不和。小人恥失其君。而悼喪其親。不憚征

繕以立圉也。圉。惠公太子。曰。必報讐。君子愛其君而知其罪。

不憚征繕以待秦命。曰。必報德。以此不和。秦伯曰。國謂

君何。對曰。小人感謂之不免。君子恕以爲必歸。貳而執

之。服而舍之。德莫厚焉。刑莫威焉。此一役也。秦可以霸。

納而不定。廢而不立。以德爲怨。秦不其然。秦伯曰。是吾

心也。改館晉侯。饋七牢焉。十一月。晉侯歸。殺慶鄭而後

入。是歲。晉又饑。秦伯又餽之粟。曰。吾怨其君而矜其民。

晉侯獻秦以河西之地。使太子圉爲質于秦。秦妻以宗女。後惠公病。子圉棄其妻。亡歸晉。

丁丑八年春正月戊申朔隕石于宋五隕為石數之則五是月六鵠

鳥水退飛過宋都遇迅風而退飛

時內史叔興聘于宋宋公問曰是何祥也對曰今茲魯

多大喪公季友公孫茲卒明年齊有亂齊桓公卒君將得諸侯而不

終事具後

齊侯宋公魯侯陳侯衛侯鄭伯許男邢侯曹伯會于淮左傳

注臨淮郡左右

諸侯會于淮謀鄆左傳注鄆為淮夷所病故鄆國且東

畧也齊桓公兵車之會四城鄆役人病有夜登邱而呼曰齊有亂

不果城而還齊桓公主會盟自北杏始迄會淮終衣裳

止于甯母于葵邱是也貫及陽穀不在此數兵車之



戊寅九年魯滅項。今河南陳州府項城縣有故項城春秋項國。

淮之會魯侯師未還而取項齊人以為討止公夫人姜

氏會齊侯于卞。今山東兗州府泗水縣有卞縣故城春秋魯卞邑。以為請乃歸

齊侯小白卒。

齊侯之夫人三王姬徐嬴蔡姬皆無子齊侯好內內嬖

如夫人者六人長衛姬生無虧。史記作無詭即武孟。少衛姬生元。

即惠公。鄭姬生昭。即孝公。葛嬴生潘。即昭公。密姬生商人。即懿公。

宋華子生雍公與管仲屬昭于宋公以為太子雍巫。即易牙。

有寵于長衛姬因寺人貂。即豎刁。以薦羞于公亦有寵

公許之立無虧冬十月乙亥桓公卒易牙與寺人貂因

內寵以殺羣吏而立無虧太子昭奔宋十二月乙亥赴



辛巳夜殯。史記。桓公病。五公子各樹黨爭立。及桓公卒。遂相攻。桓公尸在床六十七日。尸蟲出于尸。







